

咽喉脈證通論

喉痧正的

福幼編

白喉治法抉微

太乙神鍼


急救喉痧要法

戒洋烟方

陽春堂記

良方提要

此書分種計存廿本



新增醫西書七種

咽喉脈證通論

太乙神鍼

白喉治法抉微

救迷良方

急救喉疹要法

福幼編

喉痧正的

校刊咽喉證通論序

或曰宋有異僧者寓杭之千佛寺去時遺一囊寺僧啟之得是書秘不欲傳今尚有能世其術者余曰唯唯否否夫方技之書類多托于畸人異士隱僻恠誕者流神其說以炫人耳目是書苟宋時人所作也不應有棉花瘡云云此疾元時始入中國何先數百年已能言之鑿鑿如此邪第綜其方論凡夫喉證之虛實緩急辨析造微多所依據則知非近人所能苟非宋亦不出元明間一巨手耳余先後得四五寫本改竄塗乙各不相同因即數本中排比參校窮數月之力如理亂絲不啻數棼之而數析之也今春手錄定本不敢自秘爰授之手民以永厥傳簡首仍署曰宋僧原本亦疑意爾夫豈敢神其說以炫人耳目哉是為序

武進伯雄氏書

醫家十三科咽喉居其一誠以氣之出入生死之關事醫者不可不審求也內經曰喉主天氣咽主地氣欬論篇曰心欬之狀欬則心痛喉中介介如梗狀甚則咽腫喉痺厥論篇曰手陽明少陽厥逆發喉痺噎腫瘰脈解篇曰厥陰所謂甚則噎乾熱中者陰陽相薄而熱故噎乾骨空論篇曰督脈生病治督脈治在骨上甚者在齊下營其上氣有音者治其喉中央在缺盆中者其病上衝喉者治其漸漸者上俠頤也謬刺論篇曰邪客於手少陽之絡令人喉痺邪客於足少陰之絡令人噎痛不可肉食又曰噎中腫不能內唾時不能出唾考內經所言喉證者凡謂臟腑之氣痺著於其地而已無所謂十八證三十六證也惟靈樞癰疽篇歧伯曰癰發於噎中名曰猛疽猛疽不治化為膿膿不寫塞喉半日死則類喉科之乳蛾而屬之癰疽仲景去先聖未遠其全匱玉函所載雜病並無喉證正與內經相合李東垣劉河間為金源巨手所著諸書亦不載是證獨朱丹溪有喉痺一門第以臟腑為主分經施治則亦內經之支也孟河費君伯雄得喉科書一冊於其鄉之世業是醫者題為宋異僧所遺以其篇第攷之即所謂十八證也先總論病態而繼以藥後詳方證復列以藥禁忌且以甘桔湯為喉證所忌一掃俗醫誤執成方之謬是能獨具手目者以其喉證為火毒上升用藥降氣瀉火為主即靈樞猛疽之意也其以病起何經用何藥主治即內經丹溪之法也夫善讀軒岐書者固可隔垣洞見何待檢閱之煩然則此書之作蓋為俗醫設也且為無醫設也俗醫與無醫則此書之功偉矣伯雄因舊刻之訛重勘而精梓之因括其大凡於左

光緒十年三月之望上海劉至善書於春星草堂

咽喉脈證通論目錄

總論

通治用藥

用藥禁忌

丸散方藥

牛黃解毒丸
紅內消散

保命丹
鏡子
膽水消毒散

水礪散
玉屑散

鎖喉第一 加減荆防敗毒散
加減柴胡雙解散

重舌第二

氣癰第三

乳蛾第四

弄舌第五

纏喉第六

啞瘡第七

骨槽第八 加減當歸連翹散

懸痲第九 加減千金內托散

爛喉癰第十 犀角貝母膏
百寶丹

熱風喉癰第十一 涼血地黃湯

弱證喉癰第十二

喉閉第十三 四順理中湯
四逆湯

噎食第十四 當歸連翹散
川桂散

發頤第十五 南星膏

懸癰第十六

喉菌第十七

牙癰第十八

總論

夫喉者吾生氣機出入之門戶瞬息存亡之際性命係焉偶一受病危在須臾迫不及待所貴醫者能識受病之原與夫虛實痰火風寒熱毒之異更於望聞問中參究脈理尤為先務之急自來業喉科者全不講脈所以治之鮮效今試論之假如其脈洪大而實其人氣粗而躁此有餘之證用藥則以散風下氣清火消痰散之者荊芥防風羌活紫蘇是也下之者枳殼枳實青皮厚樸山查前胡是也清之者山梔黃芩黃柏甚則犀角黃連消痰則以膽星樓仁杏仁為主若脈洪大而浮軟無力或絃緩而漶其人氣委而靜此不足之證用藥則以涼血生血滋潤消痰涼之者丹皮白芍是也生之者生地當歸是也潤之者苡仁知母花粉是也消痰則以貝母樓仁杏仁兼用山梔黃芩黃柏犀角黃連或有純是陰脈者或有純是陽脈者當以病治病脈不與焉即以荊芥防風牛蒡射干黃芩枳殼銀花獨活生地丹皮花粉為治再以保命丹或紅內消同服日用吹藥夜用噙藥無不見效更有一種熱病而服熱藥火毒熾甚而發於喉間大寒大熱疼痛不止或血脹而木伸縮不能飲食難進其脈洪實有力大便不行宜急下之若脈洪弦而浮無力宜涼血行血為主若過用疎風散火之劑恐變別證最稱難治又有一種出外急走遠路脫力而傷肺氣喘息難舒以致喉痛舌脹地閣下腫突如鎖喉之狀內視之非重舌外視之非痰毒寒熱大作痰涎洶湧六脈洪大中空面色發黃而浮初以防風通聖散探之或效一二即以涼血生血順氣之藥治之又

有似喉證非喉證者其喉亦痛牙關緊閉胸脇痛四肢攣厥作痛腹痛因受有重傷或用力太過致瘀血凝滯當以行血破瘀為要初起可救過五六日不治又如弱證喉癰雖是肺經之病亦有兼他經而起者何以知之假如喉間紅癰作痛是肺經火盛之故若頸項之筋有時或左或右作脹而梗氣悶不快此怒氣傷肝左關脈必洪大而弦當清肝火以舒筋涼血為主用藥則以當歸牛膝佐以茺胡黃芩羚羊若兼

右關微弱而緩乃脾胃有虧須兼用白芍茯苓此肝脾與肺共病也喉間紅瘰作痛其舌紫色或生刺作痛或作木乾枯是心經受虧無血榮養以致虛火熾盛且兼思慮過度鬱氣所成左寸脈必浮洪當以犀角黃連為主佐以當歸白芍此心與肺共病也喉間紅瘰作痛滿唇焦裂口熱如燒或作乾嘔是胃經虛火熾盛右關脈必洪弦且緊當以山梔黃芩為主佐以當歸白芍山藥此胃與肺共病也喉間紅瘰作痛夜間舌乾口苦湯水不進或有嗽而無痰更兼滑精者是腎水枯竭虛火上炎兩尺脈必洪數無力當以山藥知母黃柏為主佐以花粉澤瀉白芍茯苓此腎與肺共病也若夫肺經獨病或吐血而成或嗜酒而發或脾瀉而生氣血消散嗽重聲啞喘急痰多聲如曳鋸睡臥不得六脈洪大而浮肺部更甚當以杏仁山藥貝母黃芩樓仁牛蒡為主佐以當歸白芍熟地茯苓丹皮犀角黃柏知母服之喉痛雖止然不過待日而已更有六脈沉隱神脫氣敗飲食不進步履不前盜汗自汗如雨脾氣溇泄死無疑矣若年老人喉間紅瘰作痛或舌上生刺或破腫或不脹言語不清六脈微洪五至有餘飲食動靜形色神氣如常此血少火盛當以黃芩丹皮茯苓熟地當歸白芍為主佐以元參牛蒡枳殼銀花花粉山藥苡仁甚則加犀角黃連不同前論若小兒痘後或瘧後患此當以犀角黃連敗其熱毒更以涼血補血健脾之藥佐之木草參芪斷不可用此外用藥與大人相同若女人胎前患此者先以安胎為主次以涼血為佐紅內消保命丹忌用餘藥無妨產後一月未滿者當以熟地當歸補血枳殼青皮下氣元參射干牛蒡元胡索銀花消腫少加黃芩花粉以清熱紅內消保命丹可用但不宜多吹藥擒藥忌之如經期適來當以破血下氣之藥為主涼血者少用紅內消保命丹噙藥服之亦無忌茲論其大畧如此餘詳各條

通治用藥

夫喉證向有三十六法今余列十八證名目雖簡而治法已備要之十八證中又可以風與痰與大概之

凡遇此證不論緩急只以下氣消痰為主次則清火涼血若不分先後混亂用藥貽害匪淺今開用藥大概於左惟高明者臨時參用可耳

藥用防風前胡丹皮獨活各一錢杏仁樓仁山查各三錢車前木通各八分兩劑後加山梔膽星各一錢生地二錢如火未息加黃芩一錢以保命丹紅內消同服

誤用黃連半夏生薑桔梗之類難以收功照前方加羌活獨活服幾劑自愈

牙關難開須加真北細辛一分

單蛾雙蛾至八九日方可用鍼刺出毒血未滿十日萬不可刺

或有疔瘡根腳紅內消不可用之反凶煎藥中加地丁草七八錢自愈保命丹可服

頸間痰毒須加象鼻母草河車猴薑若日久難愈以蝦蟇一箇研好硃砂五分灌於中泥裹煨研末服之自消

用藥禁忌

古有柑桔湯乃清喉之要劑今有見有患喉證者即用之而無疑嗟乎此猶抱薪救火非能愈疾而更增其疾矣何以言之夫喉證乃火毒上升所致須以降氣瀉火為要甘草補中而不得火既受其補則火愈熾病愈重矣桔梗引諸藥上行藥既上行則痰與火亦引之而上行勢必喉間壅塞於病更加重矣故小兒驚痰大人痰火桔梗是最忌者本草云升麻引味中清氣上升又可代犀角似乎可用不知一用其痰火與氣一齊上湧於咽喉之間四肢逆冷喘急異常為害匪淺若在他證猶或可用如鎖喉服之則不治矣半夏雖消痰若喉證痰重者誤用之禍不旋踵蓋此乃治脾家溼滯之痰至於喉證有痰總不外肺中熱火何可以半夏之燥烈治之乎老薑辛辣發散雖喉證亦以發散為主然過用辛辣之味則以火益火

大非所宜此五者與喉證關係甚重故特表而出之至別藥之中亦多禁忌惟業醫者審擇用之茲不多贅

九散方藥

牛黃解毒丸即擒藥

治一切喉風緊閉咳嗽喘急痰涎壅塞胸膈迷悶竝口舌等證無不見效

牛黃五分 青黛一兩飛淨 水片五分 雄黃五錢 兒茶三錢 官礪五錢 薄荷三兩另研 膽星四兩

研細末生蜜和丸如芡實大每噙一丸待其自化嚥下一日夜須噙四九小兒減半

紅內消散

治咽喉一切諸證竝無名腫毒已潰未潰均可使同厥效如神

大蜈蚣去頭足切斷同米炒以米黑為度 乳香去油盡 血竭另研 雄黃 象貝母 川山甲炒 沒藥去油盡

長砂水飛 麝香揀去毛皮乾研

右藥等分惟麝香少許研細末每服七分小兒減半和煎藥同服酒下亦可

保命丹錠子

治咽喉口齒新久腫痛竝解諸毒磨服神效

麝香揀去毛皮乾研三錢 長砂明透者水飛淨三錢 冰片梅花大塊一錢 珍珠研細末一錢 琥珀一錢 山豆根汁另用一兩熬

文蛤洗淨一兩 山茨菇洗去毛皮淨焙二兩 雄黃鮮明大塊研淨三錢 千金子白者去油一兩 紅毛大戟浙江紫大戟為上北方大戟為

不堪用去蘆根洗淨結乾為末二兩五錢

右藥研末以糯米粥和山豆根汁打糊為錠每重一錢病輕者一錠重者連服二錠

膽水消毒散 初起吹藥

血竭一錢 膽礬一錢

雄黃一錢

乳香去油三錢

水片一錢

白占二錢

燈心灰 不拘

水硼散 收功吹藥

水片一錢 硼砂一錢

山豆根二錢五分

玉屑散 一名五馬破曹

治咽喉口舌頸項破爛諸痛皆效

薄荷二兩 官硼三錢五分

雄黃三錢

兒茶一錢

水片三分

右藥研細末貯磁餅內臨用挑少許置舌上咀含片刻嚥下日用八九次如鎖喉風口內乾枯牙關緊

閉不能咀含者以無權水灌下自能開關生津惟脾虛胃弱者不宜多用

鎖喉第一

此證因風熱積於胸膈或酒色及鬱怒所致其狀喉上下左右紅紫腫痛或帝丁焦黑腐爛頸項浮腫痰涎壅塞聲響如潮氣急發喘眼目直視額上有汗如珠身汗如雨或泄瀉清水四肢厥冷或腰脇疼痛肚腹脹痛法在不治痛脈六七至不論大小至數分明雖甚危險十中可救一二或脈洪大或沉細惟三部混亂即形色神氣如常終為難治初起用吹藥喻藥痰多以萬年青根搗汁和醋攪去痰涎或土牛膝汁或青魚膽汁俱可

加減荆防敗毒散 脈洪大用之 荆芥防風牛蒡連翹膽星獨活前胡枳殼蘇子樓仁杏仁生地黃芩黃柏山

梔元參加原枝燈心二十莖長流水煎和保命丹同服大便不行去荆芥防風加枳實青皮大黃

加減柴胡雙解散 脈沉隱或三至用之 柴胡前胡羌活獨活枳殼枳實川芎青皮樓仁杏仁蘇子長流水煎和保

命丹同服冬月加麻黃

脈七八至而浮洪頭面皮肉浮腫色微紅涕淚交流語言蹇澀或以防蘇子銀花牛蒡杏仁樓仁枳殼枳實膽星青皮黃柏黃芩山梔元參和保命丹同服亦有獲效者

服荆防敗毒散後肺管脹塞兼咳嗽者即加生地當歸白芍

服敗毒散一劑喉證遂減惟胸膈脹痛牽引脊背再服之即除服三黃湯亦有全愈

蜈蚣同白梅搗爛和丸噙之每見有效

誤用大黃巴豆瀉利不止喉證雖愈而胸膈脹悶飲食不進醫復誤作他證治者死

重舌第二

此證因平日喜食炙煖熱毒之物積熱攻於心脾二經所致其狀舌下腫突生一小舌久之大舌反縮短或脹而紫言語不消飲食不下微作寒熱口中清涎極多即用銅匙將舌捺定用三稜針刺大舌兩旁及舌下津液玉液兩穴各一針可五分許再刺小舌兩旁或出紫血或待清涎流盡方進吹藥噙藥次服煎劑自安

藥用荆芥防風連翹獨活前胡射干膽星枳殼元參生地黃芩黃柏銀花花粉長流水煎如刺破清涎出盡亦有弗藥而愈者

氣癰第三

此證因惱怒傷肝肝血不和以致肺氣壅塞火熾上升發於喉間其狀帝丁之上紅腫作痛或有連及兩邊者寒熱大作初起不宜刺破待六七日後方可針刺或有誤服升提之藥竟不能愈者或有服保命丹紅肉消其毒自出者如痰多則以醋覺之強進飲食為妙否則恐變輕為重

藥用荆芥防風射干牛蒡連翹烏藥膽星前胡枳殼生地元參黃芩銀花長流水煎痰多加樓仁氣重加枳實青皮大便不行加黃連甚則加大黃

乳蛾第四

此證因嗜酒肉熱物過多熱毒積於血分兼之房事太過腎水虧竭致有此發其狀或左或右或紅或白形如乳頭故名乳蛾一邊腫曰單蛾兩邊腫曰雙蛾或前後皆腫白腐作爛曰爛頭乳蛾初起必作寒熱用保命丹紅內消兼煎劑治之

藥用荆芥防風射干牛蒡前胡枳殼連翹膽星生地丹皮元參黃柏黃芩銀花長流水煎如火盛加犀角黃連大便閉結加大黃寒熱不止加羌活獨活體虛痰多加樓仁杏仁貝母

有一種名根咽喉風其證日行一穴至七日行七穴喉間發泡時欲嘔吐或一年一發或半年一發或一二月數發根留於中不能盡去一時難愈或云先從腳根發起至於喉間亦名腳跟喉風發時在左則左足酸軟陰痛有似筋觸牽入喉間在右亦如之治法同乳蛾證亦相似

今人每見發有紫泡以為毒物即用刀鍼開之豈知病之初起毒氣熾盛發之於池若刺之出血非但不能愈疾加之破傷則病益重矣

或問曰亦有用刀鍼而得愈者何故答曰彼病勢淺火毒不重刺出血少則愈者其偶然耳倘病勢已深火毒極盛設以刀鍼刺之其誤事也可勝言哉

或以寒熱大作誤認感寒即用生薑半夏喉痛益甚蓋薑夏喉證所大忌也

詳前用藥禁忌

弄舌第五

此證因風痰久積於內或勞役過度而生其狀舌出過唇不能言語患者以手時弄其舌故名初起用青

魚膽汁攪去其痰急宜以小布鍼刺少商穴在手大指內側之端去爪甲角如韭菜許白肉際乃肺經穴也出血者易治出黃水者難治腫不消者亦難治

藥用枳殼枳實牛蒡連翹射干青皮蘇子膽星防風生地犀角黃芩山梔銀花長流水煎

舌捲縮而不能言因乎風寒也舌長寸許而不能收因乎房勞也舌腫滿而不能消因乎七情也舌根腫脹者謂之重舌腫而不柔利者謂之木舌初起急宜醫治遲則不救舌腫滿口痰涎極多亦水舌之一種前方重加大黃芒硝下後自愈

纏喉第六

此證因風痰溼熱久積於內或食炙煇厚味太多或房勞及抑鬱所致其狀耳下紅腫漸趨項下及結喉之間一邊者輕兩邊者重喉內帝丁左右帝丁如蛇盤之狀有黃白二色黃為黃纏白為白纏急宜刺少商穴出血注見弄舌次用吹藥噙藥男子延至結喉下不治女子延至胸膈不治喉中聲響如雷者不治額鼻有青黑氣頭低痰如膠者不治藥用荊芥防風羌活獨活枳殼連翹膽星樓仁車前紅花丹皮黃芩元參前胡牛蒡銀花長流水煎和紅內消同服再下保命丹服藥至四五日加當歸白芍生地黃柏土貝母其效甚速

啞瘖第七

此證因風痰壅滯於咽喉之間其狀口不能言牙關緊閉即用蟾酥化水滴鼻內即開仍以玉屑散吹之再將鷲翎探入喉中攪去風痰即能言矣先進牛黃解毒丸次服荊防解毒散連進二三劑自愈如面紫舌青唇黑鼻流清涕目赤多淚爪甲俱青者不治

骨槽第八

此證因魚鱗鬱毒交乘結聚於太陽經絡或則惱怒傷肝致筋骨緊急思慮傷脾致肌肉結腫膏粱厚味致膿多臭穢其狀始於耳項皮膚間隱隱有核漸如李大便覺腫痛初則堅硬不消久則延爛難愈甚至齒牙墮落牙床腐穢俱在不治初起先用鴛翎探吐風痰次以陳艾炙耳垂下五分七壯再服煎藥加減當歸連翹枳殼生地銀花射干膽星赤芍元參牛蒡元胡索黃芩丹皮長流水煎

懸蟬第九

此證因上焦熱毒蘊積風痰壅塞而生其狀上脰腫垂形如蛙腹或如雞卵咽喉閉塞痰涎滿舌初治用鴛翎探吐風痰次以吹藥噙藥及荊芥敗毒散加減日久服千金內托散

加減千金內托散厚朴荊芥防風連翹羌活獨活白芷膽星枳殼元參蘇子杏仁樓仁葱白

爛喉癰第十

此證因棉花瘡毒未盡而結於咽喉其狀周圍紫暈漸至腐爛爛上則鼻平陷爛下則飲食難進多致不救初起不覺或十日半月始知當以清熱涼血補脾為主佐吞百寶丹二三十服苦體弱痰多嗽重聲啞者不治

藥用生地花粉黃芩白芍黃柏丹皮銀花元參牛蒡射干防風角刺體弱者加茯苓嗽重加山藥苡仁知母樓仁杏仁熱甚加犀角黃連十劑後服犀角貝母膏

膏用犀角羚羊角丹皮各八錢當歸元參各五錢黃芩黃連黃柏防風射干荊芥各三錢牛蒡八錢枳殼連翹各六錢土貝一兩茯苓苡仁花粉各五錢煎汁約四大碗濾滓將汁再熬如稀糊納煉蜜半觔收貯磁罐日服四次在卯巳未亥四時每次半鍾以燈心湯攪和送下忌生冷發氣之物體弱者去黃連花粉加白芍陳皮石斛惡心砂仁湯送下如合丸藥去黃連羚羊角荊芥防風日進二次每次二錢

百寶丹牙皂一兩銀花三兩硃砂五錢研細末每服六分以冷飯塊三兩水三盃煎至盃半分作二服服在巳午兩時須二十餘服方能見效食時多服豬油麻油以潤肌膚臟腑忌茶酒牛羊麩食葱蒜等物

熱風喉癰第十一

此證因勞心過度血衰火盛而致其狀喉間紅筋紅瘰或帝丁兩旁微有疙瘩一起即覺非弱證喉癰可此時作寒熱若食熱毒之物而起不作寒熱於此為別

涼血地黃湯生地黃丹皮牛蒡元參防風荆芥黃柏花粉赤芍火甚加山梔或犀角黃連

弱證喉第十二

此證因酒色過度或勞碌憂鬱所成其狀喉間紅筋紅瘰蔓延而生津嚥疼痛夜間發熱口燥舌乾六脈洪數當以清熱補血為主若動靜飲食如常形色精神不脫無嗽無痰乃血分有熱須涼血破血不宜用補如嗽重聲啞痰多及盜汗不止者不治藥用白芍丹皮黃芩當歸元參生地黃柏銀花花粉大力子初起亦加荊芥防風連翹枳殼病久去之嗽重加知母前胡土貝樓杏仁杏仁熟甚加柴胡黃連心火甚加犀角黃連肝火盛加羚羊角泄瀉加白木茯苓腎水枯竭加山藥澤瀉枸杞五味知母停酸作嘔加砂仁虛甚加苡仁山藥茯苓當歸倍以白芍

喉閉第十三

此證乃寒邪直中下焦逼其無根失守之火發揚於上以致咽痛卒然喉閉四肢厥冷六脈沈微但必下利清穀口燥咽乾而不思湯飲方是寒證急宜刺少商穴出血注見弄舌再服煎劑若口燥咽乾而渴與此雷

壞矣

四順理中湯人參白朮甘草乾薑

四逆湯附子肉桂甘草乾薑

噎食第十四

此證乃熱毒積於心肺二經咽喉乾燥而無津液是以喉中作痛而噎食難下也急用當歸連翹散加大黃利之若治稍遲則有飛口癆瘵之患如痰喘治以川桂散加吳茱萸五七粒服後覺心肺間刺痛仍用

當歸連翹散

當歸連翹散當歸生地黃芩連翹山梔枳殼羌活防風荆芥按當用骨槽門加減法

川桂散按此方原本藥品未載

發頤第十五

此證或傷寒發散未透餘毒積於經絡有與傷寒同發者有不與傷寒同發者其狀耳後紅腫頭重體倦急用千金內托散治之外敷南星散若發於耳後一寸二分或鼻中流涕咽喉閉塞痰涎壅聚法皆不治

南星膏按此方原本藥品未載

發於耳後名發頤發於腮邊名穿腮發於地閣下名穿喉皆屬疫毒初起破血消痰降氣其後涼血生血滋陰降火惟燥熱之藥斷不可用刀鉞圍藥膏藥並忌吹藥噲藥多用為妙

懸癰第十六

此證乃脾家熱毒外感風熱而成其狀忽於上脘生一紫泡垂下抵舌疼痛異常口不能言舌不能伸頭不能低仰面而立鼻出紅涕若不速治毒入於腦即死急以小刀刺破癰頭出盡紫血不可嚥下用菊花湯漱淨先以菊花葉搗汁一盃和酒送下次進牛黃解毒丸煎以荆防敗毒散加地丁半枝蓮甚效

喉菌第十七

因痰水登通命

此證因食膏粱炙博厚味過多熱毒積於心脾二經上蒸於喉結成如菌面厚色紫軟如猪肺或微痛或木而不痛梗塞喉間飲食有礙須以針刺出紫血者可治鮮血者難治日刺日有漸如蜂窠者不治藥用犀角黃芩丹皮僵蠶射干連翹銀花紅花生地黃連黃柏枳殼獨活元參赤芍大力子

或年幼之人患此不疼痛者當以丸藥治之日久自消切忌刀針藥用丹皮獨活防風連翹紅花生地荆芥射干牛蒡前胡枳殼山查犀角銀花花粉山施黃芩黃柏元參元胡索蜜丸日服二次每次二錢用開水下

牙癰第十八

此證因勞心過度或食熱毒等物鼓動陽明胃經之火發於牙齦其狀如豆大或如指大紫色腫硬疼痛難忍或頭疼發熱憎寒先服紅內消次進荊防敗毒散和保命丹同服吹藥噙藥多用初起發散後則涼血如不愈乃是體虛當用黃耆白朮當歸柴胡陳皮熟地丹皮芍藥黃芩石斛元參牛蒡山施凡牙痛或左或右痛無定處者前藥亦治若誤服發散其痛更甚以水醋各半和熱水漱之即止

洞主仙師白喉治法忌表抉微

耐修子敬錄并序跋加注

余素未習醫咽喉一症尤屬茫然今年正月余三兒自至戚汪大令處染患白喉延同鄉某甲醫診治據自此喉痺也切不可破破則不治方用牛蒡桔梗殭蠶杏仁荊芥防風等藥一劑而汗出然鼻塞矣再劑而熱退然音瘖矣又延診之則曰邪退其半矣以前方畧加增減一劑而白塊自落矣再劑而鼻流鮮血矣又延診之則曰邪皆外出矣又以原方去荊防杏仁加射干黃芩一劑而喉外暴腫再劑而喉內全爛且頑痰上壅骨節漲滿神志煩悶睡寤恍惚始知藥誤急改延某乙醫來視曰誤服表藥受患過深不可救矣姑以龍虎二仙湯灌之卒無效未幾而汪之女及婢相繼患此鑒於甲醫之失不敢服藥用老嫗挖去白塊出涎血升許尋愈幾不解其何理嗣於友人處假得鄭梅澗先生重樓玉鑰一書閱之乃知白喉一症只可滋陰不可發表甲醫所用之藥全在禁忌之列而鼻塞音瘖與白塊自落鼻孔流紅皆為誤表不治之症惟不可破一語則與甲醫相合更無解於汪氏女婢之因破而愈也方思攝其大要刊布流傳免世滋誤乃未一月而汪君亦病此仍不敢延甲醫亦倩老嫗掘破而病不減另延某丙醫診治其所用藥與重樓玉鑰中所載養陰清肺一方大同小異因未大效又復培用生地惟尚不免有一二禁藥攪入服更不效病家以為生地之誤又另延一僑醫者全用藥表散連劑並進而種種敗象一時俱見知為內陷仍歸咎於養陰亦改延乙醫觀之並未出前方相示乙醫以為症由風邪失未表散亦投蠶蟬芳勃等藥竟不救余時亦未見僑醫之方近始索觀而知當日但謂病有兩歧藥難一致前所欲摘要刊布者至此遂不敢下筆矣又一月而余妾亦病始則骨節疼痛渾身發熱喉間乾痛而無白點乃立意延乙醫診視以其向治喉症類能分別透澈必可辨悉病源乃診脈象云是浮緊恐係風邪畧應表散然一劑而音瘖再劑而氣逆

似覺不合適有某丁醫過訪請其覆按瞿然曰此白纏喉也如何可表速服養陰清肺湯方可補救時熱尚未退探視喉間微有白象余以丁之言迥然相反茫無率從乃齋沐設壇敬請

洞主仙師判斷所語悉如丁言並示白喉斷無發表之論命於養陰清肺湯中加蠶食過桑葉孔多者三片青麟丸五分為引一劑之後即照原方不必加引至愈而止當即遵服次日即大解一次色赤黃

並發斑疹遍體皆是

此種斑疹乃白喉症所恆有緣服藥見功浮邪外出乃是吉象切勿誤認尋常斑疹不敢滋陰乃服表散以致大誤此時熱已全退而喉

間白塊遍滿矣余恪遵

仙諭始終守方五日而瘳長次兩兒次第傳染審其情狀症亦相同深信不疑即以養陰清肺湯投服或便沾痰或發斑疹服三劑而熱清喉間均稍露白點不移時而退盡竟未大發乃堅信養陰忌表四字為治白喉者歷劫不磨之論乙年為余年交長虛心而善悟見此不覺五體投地爰復迭次虔請逐層質疑得

頌箴論並命作表以喚迷津前後共三百餘言一片婆心流溢行間字裏自此濟人有術所活奚止恆

河沙數哉

仙師廟在奉天前於戊子歲在奉降壇勸賑凡助賑求方者莫不藥到病除神妙不可思議偶立方論洞澈源流決非凡手所能夢見此論一出歧黃家當可奉為金科玉律不致再入歧途爰敬錄之並將張善吾所著捷要書中語之相合者分注於下刊印行世焉

洞主仙師前論 答耐修問

白喉古無此症故少專書世稱難治然非難也未明其理耳人但知肺之灼而不知由於胃之蒸人即知胃之熱而不知由於腸之寒腸寒則下焦凝滯胃氣不能下行而上灼於肺咽喉一綫之地上當其衝終

日蒸騰無有休息不急治與治之不當則腫且潰潰且閉矣提受云白喉初起惡寒發熱頭痛背脹通身骨節疼痛喉內或極痛或微痛或不痛而喉

內微硬有隨發而白隨見者有至二三日而白始見治之法惟有以厚重之藥鎮其上層如以巨軛蓋者或由白點白條白塊甚至滿喉皆白者所治皆同治之之法惟有以厚重之藥鎮其上層如以巨軛蓋

鼎使燄不上騰復以清涼之藥潤其次層如以濕綿禦燄使火不內射極盛者再掃除其中宮以抽柴薪

開通其下道以漏炸炭醫者之能事畢矣夫自上至中至下本有可通之路而必開其旁門反使四塞左

矣邪毒之內蘊火也實烟也尋常表邪輕烟而已此則如蠻雲毒霧翁翁鬱鬱一經表散僅能紛竄於經

絡之中而不能透出於皮毛之外愈入愈深有入無出迨自知其誤翻然改計不先追其藥毒而徒盡其

當然無益也解表藥之毒春用蠶食過桑葉乳多者三片夏用荷花蒂連鬚者七個秋用葶藶苗稍黃者

九枚各寸許冬用生青果核磨汁或打碎五枚不必拘定四時但有現成鮮者可用即用之加入養陰清

肺湯中為引一劑後照全方服不加引捷要云如有辨症未清誤服升提開散辛溫之劑視病之輕重以

一碗先服粥後服藥則誤服之劑即能解除矣等語如以上四引不現成即用此法亦效此症起時發熱者多症之輕者脈不甚洪實初不見白醫者

不察往往誤為風邪用表藥而熱退方謂其效也及白點既見而病已增重大半矣捷要云白喉初起惡

於內至二三日喉內見白寒熱自除或者不悟以為表藥有功而不知不服表藥其熱亦自退也至改服養陰一二劑而不見速效又復反覆改圖一誤

再誤病其有不殆者乎故誤症既的尤以守方為第一義也捷要云如有內熱及發熱照方服去其熱自

淨愈發白愈守方久久服之自有效驗切勿求速而表散吾謂風邪之症亦宜清解亦不宜於表散表之過當不外出而內竄勢易

也且立意不用表藥則中下之醫不能辨症於初起者亦不致大悞而殺人玉鑰書中忌用諸藥出於名

醫手定人嫌其選擇之過泥吾猶謂其徵引之未全細辛升麻桂枝蘇葉之不可用固不待言即殭蠶蟬

退馬勃等品治喉家所奉為至寶者皆殺人之具也各宜守之如厲禁視之如酖毒庶不誤矣查汪某之

病亦是白喉藥不誤於前此之滋陰而誤於後來之表散况黃芩一味涼入細竅猶投炭於瓶而嚴塞其

口火雖滅而烟留再以厚重之藥並用而鎮之愈塞愈緊非特不能交濟其功抑且相助為虐其毒至死而不能出者職是故也至其女與婢之病亦均纏喉惟徐輕者童體氣盛故以挖破而效然非通法不可為訓若以治弱人則頭刻而靡矣汪某之病胡獨不誤於此耶三郎所遇之醫學淺性泥更不足道當其來診之初白塊已遍滿但稍經涉獵者即可辨認况行道有年而猶妄用表散一再不已是何故也至三日而毒竄已深雖有神仙亦不能救甚矣牛蒡射干等藥之為禍烈也耐修此數端聞吾之言大旨當可明曉其擇近時喉症書之近穩者細觀各方中之用藥刪其應忌之器不可容留一孽以可用者分為正將猛將次將三表每表分作四層上層為鎮藥如龍膽草石膏生地元參之類次層為潤藥如瓜蒌貝母丹皮天冬之類又次層為消藥如厚樸神麩枳殼麥芽之類下層為導藥如大黃元明粉車前澤瀉之類約藥四五十種按症輕重分別施治亦已足矣其中消導之藥非熱極便結不可輕用但能鎮潤得宜則中下自會通暢不可不知表後列忌用諸藥添入前人漏列者七八種注明害處俾盡人一目瞭然胸有成竹設遇醫者開方觀其所用之藥如有不列於藥隊者以及妄用禁藥者或病輕而遽用猛將者皆不可服更以服禁藥後所現不治症象臚列於後庶可觸目驚心也稿成見質於吾尚有要言

遵定藥將三表

係乙巳醫
某君審正

三將之中以正將為定法而以猛將馭其重次將馭其輕四層之中又以鎮潤為定法而以消藥去其滯導藥利其行鎮潤之中又以養陰清肺湯為定法而以他藥病濟之偏頗輔方之不足審定主賓因症施治若網在綱有條不紊至於禁忌之藥萬不可以一試即偶雜一二於良藥之中猶致全羹俱壞况專恃之以為定法乎其不現種種敗象而逼悶以斃者鮮矣法戒具備行道者其詳而審焉

白猴正將

此係大中正之藥極穩極效惟中下層藥非熱甚之症大便閉結者尚須慎用

上層鎮藥

大生地

元參

煨石膏

麥冬

次層潤藥

天冬

當歸

白灼

丹皮

貝母

薄荷

生甘草

中層消藥

大木通

神麩

焦查肉

陳皮

砂仁

下層導藥

郁李仁

知母

生土牛膝兜

澤瀉

青膏丸

○養陰清肺湯 日服二劑重者日服三劑若病勢無增即自加甚仍照方服始終守定不可移易

大生地 壹兩

麥冬 陸錢 去心

白芍 肆錢 炒

薄荷 伍分

元參 捌錢

丹皮 肆錢

貝母 肆錢 去心

生甘草 貳錢

此方乃治白喉之聖藥翼然八柱顛撲不破其中但有鎮潤而無消導蓋所謂鎮潤而無消導蓋所謂鎮潤得宜下元自會通暢無所用其消導也分兩悉照原方不可輕重小兒減半守方服去自然全愈切勿中改

如喉間腫甚者加煨石膏肆錢○大便燥結數日不通者加青膏丸貳錢元明粉貳錢○胸中漲悶者加神麩貳錢焦查肉貳錢小便短赤者加大木通壹錢澤瀉貳錢知母貳錢○燥渴者加天冬參錢馬兜鈴參錢○面赤身熱或舌苔黃色者加銀花肆錢連翹貳錢

白喉猛將非極重之症以及誤服禁忌之藥漸見敗象者不可輕用揭而出之所以使人之慎也

上層鎮藥

次層潤藥

中層消藥

下層導藥

龍膽草

瓜蒞

中樸

生大黃

生石膏

生梔仁

枳實

元明粉

犀角

連翹

萊服子

川黃柏

馬兜鈴

藍草根

神仙活命湯重者日服三劑俟病稍減仍服養陰清肺湯

龍膽草貳錢

元參捌錢

馬兜鈴叁錢

板藍根叁錢

生石膏伍錢

白芍叁錢

川黃柏壹錢伍分

生甘草壹錢

大生地兩壹

瓜蒌叁錢

生梔子貳錢

凡白喉初起即極疼且閉飲水即嗆眼紅聲啞白點立見口出臭氣者方可照此方煎服或已延誤二三
日症已危急或誤服表藥現出象非輕劑所能挽回者均須此方以洩其毒如舌有芒刺謔語神昏者加犀角貳錢○大便閉

塞胸下滿悶者加中樸貳錢枳實貳錢○便閉甚者再加萊服子貳錢
錢生大黃貳錢○小便短赤者加知母叁錢澤瀉貳錢車錢子叁錢

白喉次將此表為白喉初起辨別未明及症之輕者與凡風邪之症皆以此等藥清解之切不可發表表則不可救

上層鎮藥

次層潤藥

中層消藥

下層導藥

次生地

金銀花

小木通

車前子

粉葛根

冬桑葉

枳殼

燈心

藿根

炒麥芽

蓮子心

枇杷葉

竹葉

紫苑

柿霜

除瘟化毒湯 日服一二劑如症加重即服養清肺湯

粉葛根 貳錢 金銀花 貳錢 枇杷葉 錢五分 去毛蜜炙 次生地 貳錢 薄荷 五分 冬桑葉 貳錢 小不通 捌分

竹葉壹錢 貝母貳錢 去心 生甘草捌分

白猴初起症象輕而白未見即服此方俟一見白象白起時甚微須詳細探看但有星星白點即是即改服養陰清肺湯勿遲誤

如不白即服此方均勿發表如大便閉者加瓜蒌貳錢即李仁貳錢小便短赤者加車前子叁錢燈心貳錢

以上三方加味各法均須隨時斟酌若見症不甚重者或於所備二三味中酌加一味或以分兩減輕庶

無偏誤

白喉一切禁忌之藥白猴初起發熱居多往往服此等藥而熱退以為見效而病已內陷矣可畏哉

麻黃 誤用音瘧不可救 桑白皮 肺已虛不宜瀉 紫荊皮 破血不可用 杏仁 苦降不可用 牛蒡子 通十二經不可用 山豆根 不可用

射干 妄用音瘧 天花粉 不宜用 羌活 過表不可用 荊芥 不可用 防風 不可用 黃芩 過涼不可用

桔梗 肺虛不宜用 柴胡 升散不可用 前胡 發散不可用 升麻 升散不可用 殭蠶 涼散過甚不可用 蟬退 升散不可用

桂枝 辛散不可用 細辛 辛散不可用 蘇葉 不可用 馬勃 不可用 柴胡以下此次所增玉鑰論中有凡語痰症四字可見禁用此等藥不獨白猴也

白喉誤服禁忌諸藥所現各種敗象白猴症論中但指為無治之症而不知係誤服藥所成

七日滿白不退 服藥大便不通 領下發腫不消 服藥嘔吐不止 音瘧鼻塞 鼻孔流血

喉乾無涎 白塊自落 天庭黑暗 兩目直視 面唇俱青 角弓反張

痰壅氣喘 汗出如漿 藥不能下 肢厥神倦

以醫曰以上各象重者用猛方輕者用正方以期補救惟脾泄之症宜兼顧脾藥須另設

未服藥大便泄用生地五錢麥冬叁錢丹皮錢半元參貳錢半薄荷茶分薑香錢半砂仁貳粒研冲炒麥芽叁錢

服藥腹泄不止用酒炒生地貳錢麥冬貳錢川貝貳錢白芍貳錢半甘草壹錢蒼香錢半砂仁貳粒研沖炒麥芽貳錢

洞主仙師後論 答仁醫某生問

白喉初起發熱此時鬱勃之火全集於肺胃二經故脉象未有不浮緊者迨熱退白現而肺虛之本象見

於是始有塌陷之形某生所見各症大率在二三日之後故僅知其塌陷而不知其先必從浮緊來也雙單

蛾症亦屬於裏凡肺之本色上現於喉始有此象豈有皮毛之症而能顯此形色於吭舌之間乎惟肺氣

虛損未形故脈象浮緊之日多輕者畧用表散尚不至於大誤或症本重或表散過當勢亦至於虛敗而

脈塌陷表而愈者其暫表而誤者其常故不如養陰而兼清解為速效而無弊也證異治同世醫有不言

之者乎提要云雙單蛾症治之稍緩則氣閉不起宜用生上牛膝兜引熱行大便閉結用大黃與白喉症異治同倘不預防轉為白喉為禍甚烈可見此症與白喉同治更不宜於表散也白喉用

藥鎮之潤之原欲其入於胃入於腸以尋去路也惟下焦不甚室寒者既鎮且潤火毒自駁馴而下行原

無所用其消導若火毒蘊結下焦不通其勢不能不宣洩之蓋既鎮之不使上行潤之不使旁達倘不入

於胃不入於腸將安歸乎某生所謂恐毒陷胃者尚非探本之言捷要云須從上焦引至中焦由中焦引

火毒下行此為吉芒宜消而不消宜導而不導或消導而未能得宜既不能上又不能下則惟內陷於胃

而已矣耐修子曰白喉用養陰清肺湯而不見速效甚至倍用鎮藥而更不效者此乃熱結中焦火毒不

能下達之故並非滋陰之誤其症象必係胸膈漲滿大加藥分兩無須過重蓋此時鎮潤之力已

足稍開一隙即如建瓶而下勢甚易易易表散則如全提擊擊橫至云上熱下寒者宜以熱藥冷服

此指真寒假熱而言白喉之症係真熱假寒何所忌於寒涼乎火毒既攻於中上則下元不寒而自寒撲

麴查麥固皆帶溫之品輔以清降之藥引使下行本最有益若熱極盛則非硝黃不足通道路猛藥疾馳

而下裏熱以行性不流通腸胃何致受病猶以一器盛沸湯而置水塊於中頃入一冷盞內水熱固以大

減而以手按冷盞則反涼為熱矣此借敵作導之法用其停熱以為行熱固不害於腸之假寒也惟非極

險之症不必輕用此猛藥耳向來治溫症者有涼降無表散白喉乃溫症中最重之一端敵兵已至城下重兵以圍之猶慮不勝尚能以談言微中解其紛乎故諸溫症中尚有參用蠶蟬苓桔荊防諸品者若用之強兵壓境如白喉勢直同於玩敵矣有不滋蔓燎原者乎故鎮之者重兵以扼之也潤之者恩言以勸之也威德並用敵可解矣而猶未濟則惟有直掃其老巢仍留其歸路敵自不逞而退矣此百戰百勝之法也若升提之則火以扇而愈熾表散之則火以分而愈多即或不然用清涼平淡之品以澆酒之不能息其燄抑且揚其烽而上下左右莫不受害矣其猶可剪除撲滅乎擬表妥適三表之後可各立一方正將後用養陰清肺湯此方出自大名醫之手不特藥味不可移易即分兩亦不可重輕耐修子曰此均地本係壹兩如用壹兩貳錢則統加二成如用捌錢則統減八折是也人體有強弱病有重輕則藥不能無增損但照原配分兩不可偏嗜耳玉鑰原方本僅五成之一嫌其太輕不足馭病茲照單刻方定數用者酌如病有偏頗則擇三表中應用之藥加一二味以為引足矣總宜以此方為坐守之老營決無喪師失律之大辱惟誤一二禁藥於其中則害且變本而加厲慄之慎之某生欲以白芍易桑葉此大不可桑

葉固有時可加白芍則萬不宜去夫五臟之密邇肺胃者惟心與肝不有以護之害且立至白芍乃固守心肝之要藥具見立方者之苦心宜移動即猛將後按神仙活命湯去其禁藥增猛潤藥以足之次將後按除瘟化毒湯去其禁藥增次潤藥以鎮之凡鎮藥宜重用潤藥次之消導藥宜輕用猶之軍行萬里但有一人一騎以為鄉導足矣多則紀律不整反滋事端三表中則猛將宜輕用正將宜重用次將亦宜輕用蓋正將守其常猛將出其變而次將用於暫也神而明之存乎其人吾言亦盡於此矣此症本不難治治之不善而種種敗象見非此症之本象實投禁藥者有以造成之也與生而致死同一綫幽微氣不能透因而逼斃其心不即死也故死於此症者最慘行醫者當思患病之人或為孝子之父母或為慈親之子女或為待育之壯丁或為守成之家督或為無父之孤兒或為數家之獨子當其病劇呼天籲地拜

佛求神無所不至一經不起合門長幼痛哭失聲肝腸寸斷抱此奇慘而言及醫家猶以本有割股之心相諒置不與爭故醫者雖殺多人終不能自知其失然受害者諒之愈深造孽者積而愈重雖曰無心而漫不經心之罪豈能擢髮數哉若一朝誤治退而深思以期萬一之當則死者雖不能生生者猶可不死乃有始終執拗狃於一偏人命之大惜焉不加察吾不知其本心之仁安在焉自有此論而猶有固執己見視人命如草芥者直以有心殺人陰律有所不貸吾亦未如之何也已矣歐陽公曰求其生而不得則生者與我皆無恨焉言治獄也而吾謂行醫亦然再定一吹藥方以成全璧

白填鴨散

此方以血肉冲和濟金石寒冽毓養於金水二令之間虛實皆宜攻補兼顧可救命於奇險時勿等閒用過

用純白公鴨一隻自霜降日起每日用麩麩和蝸牛地龍柿霜瓜萋霜古錢醋煨為末各等分計麩麩七

成藥三

捏成小團卯酉時各填十二個關閉籠內不使多走所遺之糞另以一器收好至小雪日交節之日宰取

喉頸骨連喉管肺管及肺宰時以刀刺腹勿置瓦上焙乾為炭存性另以一月內所遺鴨糞用清水漂去其垢澄去土土至淨為度帶水研至極細澄定漚去水亦置瓦上焙乾為炭存性與前炭置一處共研細末加蝸牛焙黃四十九箇用舊壽州烟斗口門七箇用凸起處一洗淨烟漬火上微烘二物同研極細再與兩炭合研拌勻磁餅封固置低潮處以去火氣臨用時加入水片礪砂人指甲煨人中白鴨嘴膽礬五種細末各少許計前炭文成後藥三成頻頻吹之雖已閉之喉猶能開通一綫即以蜜水冲少許服亦良佳真萬全之聖藥八洞之秘方也

此論專為濟急而設糾謬而設至善後之方用當歸伏苓玉竹女貞等藥時醫優為之吾可無須饒舌矣

耐修子曰敬讀前後二論知昔人論白喉者以鄭梅澗先生重樓玉鑰所載最為謹嚴細慎特寥寥

數語未能剖悉源流行醫家每多未見即見亦習焉不察耳近有專刻其養陰清肺一方印送者按

此施治全活衆多至張善吾白喉捷要蕭海雍白喉證論雖亦主於養陰清肺立論多中肯綮而所立各方中如殭蠶蟬蛻豆根黃芩牛蒡馬勃諸禁藥猶未盡去時醫宗之流弊尚不能免此論一出誠如赤日當天無微不照利濟羣生豈淺鮮哉余在奉天隨時賑壇一載習聞緒論而白喉秘旨及今始得聞之若早明此理三兒可不至死然猶幸余妾之轉危為安長次兩兒之獲治即愈也北地此症盛行不救者大率皆服表藥之誤其得愈者皆守玉顛書中養陰清肺湯方者也如或撓入一二禁藥者雖服此而亦不治今得此論流傳家諭戶曉則此症雖危弗危矣乙醫勇於知過默契慈心丁醫決於當幾暗合妙旨皆為當時賢者即如甲醫之久執一偏丙醫之未達一間苟見此書必當廢然思返油然有進堅持此意立心活人安知不終為

仙真所許可哉姑皆隱其姓名云光緒辛卯五月敬跋

子午香室主人曰白喉一症罕有能言其詳者即時醫中認症無差用藥不誤者亦但能行其當然而不能知其所以然彼妄投表散殺人如草者更不知此症為何物矣此書一出使數十年之翳障昭若發矇上焉者可臻變化之神下焉者更不致有歧途之誤即不行醫者按此治人或以自治亦可十不失一矣此症盛於北數省有志濟人者能刊印流行遍及窮鄉僻壤其活人功德當不在散財施粟下也

壽民曰此後億萬人胸中各有養陰忌表四字在則患白喉者從可免倉皇無主之虞亦可免胡亂求醫之誤善哉

乙醫曰其服養陰而未能速效者乃不知加味與不加味不當之故宜細察其症之輕重照方後加味法斟酌施治無有不效切勿改圖以致僥事間有服表散而若有效者乃體本壯或症本輕尚未受

其症誤非藥之功萬毋據其偶然者以為法余服膺。

明訓嗣此謹守弗失顧海內行道者共佩之幸甚

白喉症治養陰忌表歌括

忌表扶微書已成快復作是歌以便記憶刊此印布更易為力仁人廣傳功德無量

養陰清肺湯始終要守方隨症酌加味連服效自彰

養陰清肺湯 大生地 壹兩 麥冬 陸錢 杭白菊 肆錢 薄荷 貳錢 元參 捌錢 貝母 肆錢 去心

丹 皮 肆錢 生甘草 貳錢

此方為白喉大中至正之藥不可妄擬增刪初起發熱者照方服去其熱自除即白加甚仍須守方

如發斑疹係藥見功始終服此至愈而至重者每日三劑輕者二劑切忌妄用表散 如胸下漲悶

者加神麩 貳錢 焦查 貳錢 大便燥結數日不通者加清甯丸 貳錢 元明粉 貳錢 小便短赤者加大木

通壹錢 澤泄 貳錢 知母 貳錢 燥渴者加天冬 叁錢 馬兜鈴 叁錢 面赤身熱或舌苔黃色者加銀花 肆

錢 連翹 貳錢

如有脾泄之症勢宜兼顧脾土須酌為加減另立藥方

未服藥大便泄 用生地 五錢 麥冬 叁錢 丹皮 壹錢 五錢 元參 貳錢 五分 薄

服藥腹瀉不止 用 上地 瀉 炒 貳錢 麥冬 貳錢 川貝母 貳錢 白芍 貳錢 伍分

若遇極重症或被表散誤神仙活命湯冀可得生路

神仙活命湯 龍膽草 貳錢 元參 捌錢 川黃柏 伍錢 板藍根 叁錢 生石膏 叁錢 杭白菊 叁

生梔子 貳錢 生甘草 壹錢 大生地 壹兩 瓜 蔓 叁錢 馬兜鈴 叁錢

凡白喉初起即疼痛且閉飲水即噎眼紅聲啞白點立見口出臭氣者方見照此煎服或已延服二三
日症已危急或誤服表藥現出白象非輕劑所能挽回者均服此方以洩其毒重者日二劑至症象見
輕仍服養陰清肺湯慎勿改服表散 如舌有芒刺謔語神昏者加犀角鎊貳錢連翹貳錢大便秘塞
胸下滿悶者加中樸貳錢枳實貳錢便秘甚者再加萊菔子貳錢生大黃貳錢小便短赤者加知母參
錢澤瀉貳錢車前子叁錢
布包

其或病本輕以及風邪侵只須侵解藥除瘟化毒靈

除瘟化毒湯 粉葛根貳錢 冬桑葉貳錢 小木通捌分 竹葉壹錢 次生地貳錢 全銀花貳

薄荷壹錢 生甘草捌分 貝母貳錢 枇杷葉壹錢五分

凡白喉初起症象尚輕喉間尚未見白不能辨認是否白喉即服此方俟一見白象即改服養陰清

肺湯如係風邪之症則始終服此自然全愈萬不可以表散 如胸下脹悶者加炒枳殼壹錢炒麥
五分

芽貳錢大便秘者加瓜蒞貳錢郁李仁貳錢小便短赤者加車前子叁錢
布包燈心壹扎 凡是風瘟即

非喉症服此亦神效

雙單起喉蛾治與纏喉同照方均可愈表散防終凶

雙單蛾症亦屬於裏惟肺象虛損較白纏喉稍輕若治之不當變為纏喉更不易救時人不察以為

表症輒用升散害不可言凡治此症亦宜以養陰清肺湯為主日二劑重者用神仙活命湯與白喉

治同均不宜於表散

一切禁忌藥避之如酖毒入口難挽回千萬勿誤服

白喉一切禁忌之藥 麻黃誤用者症
不可救 桑白皮肺已虛
不宜瀉 紫荊皮破血不
可用 防風不可
用 杏仁苦降更
不宜用 牛蒡子

能通十二經 山豆根不可用 黃芩過涼不可用 射干即啞花粉不可用 羌活過發表不可用 桔梗肺虛不可用 荊芥不可用 柴胡不可用 前胡不可用 桂枝辛散不可用 升麻升散不可用 蘇葉發散不可用 僵蠶涼散不可用 蟬退升表不可用 馬勃過散不可用 以上諸藥為時人常用而誤用者千萬不可一試即於前列諸良方中偶撓一二亦立見大害凜之慎之

白喉誤服禁忌藥後所見各種敗象 七日滿白不退大便秘結不通未服藥大便秘服藥後連瀉不止

領下發腫不消音啞鼻塞服藥嘔吐不止白塊自落肢漲神倦鼻孔流血喉乾無涎天庭黑暗兩目青

視面唇俱青角弓反張汗出如漿藥不能下

以上各象均極危險大都誤服表藥而成除脾泄二症前已另列方藥外重者用神仙活命湯輕者

用養陰清肺湯加入解表毒之藥為引一劑後去引服

解表藥毒法 春用蠶食過大桑葉孔多者三片 夏用荷花蒂連鬚者七箇

秋用葶薺苗稍黃者九枝各寸許 冬用生青果核磨汁或打碎 三枚

又方 以生萊豆碾細末重者一茶碗輕者一酒杯冷水調服再煮白米粥一碗先服粥後服

藥則誤服之劑即解除矣

總而言之切勿誤投表散症非難治一投表散則難治矣切戒切囑

急救喉痧要法

今庚申地喉病流行傷人過於 咸豐癸卯年浙省疫氣流行變患痘疹爛喉等病更酷且廣今將杭州周光遠所刊 各醫王士雄先生醫案中保痘喉神妙三方併論及治驗可法者三案指盡病機治法絲絲入扣暨抄近時上海諸善士印送白喉忌表書中之三方與王氏大意相同專主清降氣火敗改血毒無一味表散提透害人之藥合二書推治喉患實活命仙法濟人寶筏也今均照原刻抄錄於後

附論

上年秋燥冬暖霜雪稀少河井乾涸吾杭自九月間起天花流行十不救五小兒之殤於是者日以百計先生曰此痘疫也治法當與常痘有異惜幼科未之察耳且天令發泄不主閉藏入春恐多喉患特刊加味三豆飲方俾未曾佈痘者預服免患將出者恣飲冀輕又勸人頻服青龍白虎湯以杜春來喉患不料其言果應三春不雨喉症甚多醫者猶不悟其致病之因僅知發散正如火上添油 先生胸有成竹一以仲聖白虎湯為救焚主劑藥若以及於營分者用晉三犀角地黃湯相機加減又刊青龍白虎湯暨錫類散方廣為印送賴此以活者不可勝數

附 加味三豆飲

生菜豆 生黃豆 生黑豆 或用生白扁豆亦可 金銀花 生甘草 水煎服

先生原刻自注云古方三豆飲為痘證始終可服之妙藥未出時常服痘可使稀將出時急服重可冀輕已出時恣服逆可轉順盡出時頻服毒易清俗傳種痘是密室烘花更有初生小兒於十八日內服藥令其出痘之法是擾苗助長此等矯揉造作陰受其害者古今來不知幾恒河沙數矣至於種種稀痘之方皆無義意或以毒藥損人元氣或以穢物致生別恙慎勿為其所惑惟此方藥極簡易性最平和味不惡

劣易辨易服不必論其體質久服無弊誠盡善盡美之王道藥也杭人惑於患痘不食豆之說甚屬可鄙今特辯明冀人醒悟凡小兒能啜飲後即以此藥日日代茶誠保赤之首章焉原方用赤豈性燥傷陰子以黑大豈易之更有補陰之績雖燥令燥體皆無礙矣再益銀花甘草而化毒之功尤勝或疑銀花性涼似難久用不知三豆皆穀也性能實脾得銀花以濟之更覺冲和况小兒體純陽極宜此甘涼補陰之味豈特稀痘尤能明目消疳不生瘡癩泄瀉等病其功未能殫述也

附 青龍白虎湯

橄欖 生蘆服 水煎服

先生自注云此予自製方也橄欖色青清足厥陰內寄之火風而靖其上騰之焰蘆服色白化手太陰外來之燥熱而肅其下行之氣合而為劑消經絡留滯之痰解膏粟魚麩之毒用以代茶則龍馴虎伏臟腑清和豈但喉病之可免耶且二味處處皆有人人可服物易功優久任無弊實能弭未形之患勿以平淡而忽諸

附 錫類散吹至喉開痛除為度推治諸毒下疳梅毒犯喉亦神效勝六神丸百倍

西牛黃五釐 象牙屑焙三分 飛淨青黛六分 人指甲六釐 男女各三釐 真珠三分 梅花冰片三

釐 壁 錢二十個 俗名喜兒窠木板上用 共研極細粉吹入患處流出惡涎即愈 先生自注云

此專治爛喉痧疹之神方也尤鶴年載於金匱翼云張瑞符傳此方以救人而得子故予名之曰錫類散

附治驗三案可法再與白喉忌表書中諸善法合推使治喉病之能事畢矣

段春木之室爛喉內外科治之束手姚雪蕉孝廉薦先生視之骨瘦如柴肌熱如烙韌痰阻於咽喉不能咯吐須以紙帛攪而曳之患處紅腫白腐齧舌皆糜米飲不沾况事非期而至按其脈左細數右弦滑曰

此陰虧之體伏火之病失於清降擾及於營先以犀角地黄湯清營分而調妄行之血續與白虎湯加西洋參等肅氣道而瀉燎原之火外用錫類散掃痰腐而消惡毒繼投甘潤藥蠲餘熱而充津液日以向安月餘而起

吳雨峯明府家囑兒科為其仲郎所出之兩孫種痘下苗二三日發熱咽疼醫以為痘之將形也投以升透之藥亦斑似錦喉爛如焚半月之間闔家傳染諸醫莫敢入其家先生往診時見其三郎耕有四郎小峯尚未病亟曰已病者固當圖治未病者尤宜防患傳以青龍白虎湯代茶恣飲竟得無恙其令閻洪宜人及仲媳皆為之治愈此外如其長媳其令嫂其三孫其僕其探病之女戚殞於是病者七人焉時雨峯築巖兩喬梓咸官於外仲郎亦幕遊江右不料因種痘而釀此家禍益信先生勸人勿種痘之說可訓也種痘之法以人巧而奪天工原屬妙法但須慎於擇時若疫氣流行之時感其氣者尚有腫頤爛喉之酷况又加以痘毒也此乃醫之不明未可盡歸咎於種痘也再喉疹一門以護咽為第一要義一見咽痛即急清降大忌并提何專是科而不知此耶

潘洪疇託兒科為其仲郎春波所出之孫種痘下苗三日即咽痛醫與發散藥發熱斑爛七朝而天春波及其弟祥衍皆染其病春波之證顧醫聽泉治而愈矣祥衍之恙咽喉爛至於舌胸膈閉塞不通牙關緊澆小便淋痛口吐紫黑血塊人皆謂其臟腑爛焉先生視之曰惡血毒涎正欲其出吹以錫類散用椀承其口流出血涎甚多咽喉牙環胸膈皆得漸舒投以犀角地黄湯加元參銀花童溺藕汁竹黃花粉貝母石菖蒲之類漸以向安繼與生津填補而痊

附 白喉忌表書中之神效三方併兼證加味及悞服表藥解救引藥列後

養陰清肺湯 一日二帖重者三帖待病鬆減輕方分再服勿必疑遲危者救全無數矣

大生地一兩 帶心麥冬六錢 炒白芍四錢 薄荷二錢五 元 參捌錢 川貝母四錢 丹皮四錢 生甘草二錢

兼病加味輕者涼加一二味勿必全加三方皆然 喉腫甚加煨石膏四錢 大便數日不通加青甯丸二錢元明粉二錢 胸脹悶加神麩二錢焦山查二錢 小便短赤加大木通一錢澤瀉二錢知母二錢

口燥渴加天冬三錢馬斗令三錢 面赤身熱蒼黃加銀花四錢連翹二錢 神仙活命湯重者日三服病稍減仍改服養陰清肺湯

龍膽草二錢 元參八錢 馬斗令三錢 板藍根三錢 生石羔五錢 白芍三錢 川黃柏一錢五 生甘草一錢 大生地一兩 瓜蒞仁三錢 生梔子二錢

凡白喉初起即極痛且閉飲水即噎眼紅聲啞白點立見口出臭氣者方可照此方煎服或已延誤二三日症已危急或誤服表藥現出敗象非輕方所能挽回者均須此方以曳其毒 如諺語神昏舌起芒刺

加犀角二錢 胸悶大便閉塞加川朴二錢枳實二錢 大便閉甚者再加萊服子二錢生大黃二錢 小便短赤加知母三錢澤瀉二錢車前子二錢

除瘟化毒湯初起輕者或辨別未明或兼風邪皆以此方清解之不可發表表則不可救一日一二帖如痛加重即改服養陰清肺湯救之 粉葛根二錢 全銀花二錢 小木通八分 竹葉一錢 次生地二錢 冬桑葉二錢 薄荷五分 生甘草八分 貝母二錢 枇杷葉一錢五

大便閉加瓜蒞仁二錢郁李仁二錢 胸脹悶加炒只壳一錢炒麥芽二錢 小便短赤加車前子三錢

燈芯一錢 再解悞表藥毒用之為引春加蠶食過桑葉孔多者三片夏加荷花蒂帶鬚七個秋加葶藶黃苗九枝冬加青果核打碎五个各引加用一帖不必多加四物遇無隨便現成有者加用不必拘時令

尚有善後諸方吹藥多方藥前便泄前後便瀉諸善法白喉忌表書中具在不能盡錄有心保家濟世仁人向申昌書室買閱可也

又附 勸少吸紙捲諸烟再啓

今庚患喉病之劇殺人何也猶如爐內薰烟暗焰釜中沸湯蒸騰所以病起惡寒初發紅腫痛閉後變白腐塊落始終不露燥烈之形者熱極似寒也亦緣是證之人真陰早有所傷或多吸紙烟暗耗肺津不少也肺屬金最喜清養而畏火刑然烟性雖毒惟香燥辛熱載在典籍其別名想思草故人之不忘時喜多吸天香能耗氣燥能傷陰辛能助熱熱必劫液况又加之以火乎而藥性亦然故服發散升提難救由此也夫鴉片烟是水膏熬成古人尚言燥烈耗神毒熱灼精人或知之者而香烟捲之以紙點之以火時吸烟焰純是火氣豈非日消肺全如磨刀之石諸烟皆然而人不知肺日傷陰日衰熱日熾肺被火灼不主清化變生痰火喘咳口瘡鼻衄牙血吐血者有之况今庚厲氣流行不吸烟陰足之人感其氣十傷其二三陰損肺虛者其害可想矣

西人於二十歲外尚不許吸烟何故也惜吾華舉國若狂徧處男女老小盡吸甚有幼年之人暗傷生長而不覺目擊心傷可勝浩嘆今特為保生齊家君子告焉少食戒食之免生疾病豈不快哉哂笑我愚不計也

錫類散 實力吹救白喉聖藥惟方內璧錢等患者欲立辦難覓欲速不能遲必不救且全料價大貧病更無力常有延悞於心難安於前月間力商上海英大馬路馳名精製丸散之

董天頤寶堂概允預辦配合備存零售自月餘來買吹救活無數矣望仁人留神向彼號購濟功德無涯矣

四明范心田沐手敬錄

醫不通其理不足以言醫通其理而未得其法則亦無術以處此也余家世讀書舉業之餘往往汎濫百家旁及靈素以故多能醫之士余自成年時挂名弟子員籍省闈再薦邀備未信深恐樗材坐廢無補昇平年來僑寓滬濱輒假刀圭為肆應之具猥以謏陋獲信友朋滬上自戊子春始爛喉疫痧盛行牽連沾染大枉不可勝計雖死生有命載諸聖經毋亦法有所未盡歟經余治者獲全居多同人疑其有秘不知至理自昭天壤苟得其旨亦何必私為枕中寶哉爰將體驗所存綴為一帙付諸剞劂倘芻蕘可采默消疵癘於無形則草茅微賤未始非仰體

聖天子仁壽斯民之至意於萬一云

光緒十有六年歲陽在上章陰在攝提格律中中呂日月會於實沈之次吳縣曹心怡叔培父叙於朗齋

例言

山人

一醫之於病如射侯之有正鵠失其殼率則折筵墜羽者有之是書以正的名雖無養由穿揚之技或少挽王良詭遇之風乎

一先哲有言醫者意也吾心能領之口不能言之又云治病當活潑潑地如珠走盤如或刻其舟而膠於柱則官禮且或誤蒼生矧區區技術之書哉世人有趙括其人此則非余所敢知己

一著述之家書不盡言言不盡意子輿氏云大匠誨人能與人規矩不能使人巧余固非哲匠也所望海內淹博之儒起而訂之

一醫案之刻所以佐運用之機宜是書辨論已繁無庸更贅

一是書甫脫稿即悉維揚張氏有痧喉正義之刻不知與拙論同異若何以道遠未獲一讀為恨姑識之以俟高明選擇焉

喉痧正的目錄

自序一首

例言五條

喉痧源流總論

論因

論證

論脈

論治

驗舌

申禁

善後

防先

喉痧條治

喉痧備用各方

喉痧正的

吳曹心怡侯甫 著

受業鄭伯蕃 康侯 校

喉痧源流總論

古無有所謂爛喉痧者自雍正癸丑以來始有之見於吾吳葉天士先生醫案中余刻痲痧輯要採此案考葉氏行世諸書中俱無之想佚存本也以解肌散表立法可稱千古隻眼而用藥則不詳嗣是以來散見於諸家雜刻中者類多風影

之談惟虞山陳靜岩疫痧草及玉峯顧氏痧喉經驗闡解二書最為近是二書俱採入西溪外陳氏以疫史所輯衛生鴻寶中

名痧以有疫無疫辨痧喉之輕重所論頗屬精當惜其開手各方仍囿於辛涼解肌之成法以致近時採

用者往往不驗至顧氏之書論證亦頗透切而立方終屬鮮效至友元和金保三先生據顧氏本而增刪

之易其名曰爛喉痧輯要金氏得此書於冷灘上序謂不著誤人各氏其實即玉峯顧氏書各則無考所增皆咽喉通治之法於痲痧初無

干涉卷尾拮撫各藥亦俱非紀律之師無怪乎覽之者之茫無涯涘也余自幼習聞先生緒論年來買藥

滬濱同人謬以此事相推不揣謏陋爰將因證脈治及歷驗各方條列於左以備參考焉

論因

治病必先其所因喉痧之因都由溫厲之毒吸入肺胃又遇暴寒折鬱內伏腸胃募原復觸時令之毒風

而發其發也蘊蒸之毒瀰漫三焦幸而獲治則毒散而氣化不致牽連傳染不幸失治則毒聚成疫觸之

即病以次遞傳甚至累年不已如近日滬上情形自戊子以來三載未之或息也陳氏之所謂疫者信矣

然尚有三因焉一因起居富厚之家冬雖溫而必重其裘甚則熾火圍爐焉蠢蟲之輩夏雖涼而不蔽其

體甚則風餐露宿焉而房室竭其精嗜欲損其形者更難免矣一因飲食麩葉炙燥熏灼臟腑瓜果生冷

冰伏脾胃而餌金石以為衛生藉參茸以資服食者更宜審矣其一則因街衢之穢雜水漿之汗濁耳駢

肩摩數汗霧交流潔并於河濁澄橫積口鼻之所吸受腸胃之所浸淫貽害可勝言哉然此三者凡疫皆然亦凡病皆然正不獨喉痧一證耳

論證

喉痧由厲毒內伏其未發之先必五內煩燥手掌心熱漸漸咽痛憎寒發熱胸悶口渴有痧者熱勢必壯

用大紅紙梅紅洋紅火暗無光不適用裹細草紙撚成紙捲兩莖蘸菜油或豆油撚着醫者以右手拈紙卷復以左手

掌逼住火光照着頭面頤項見有痧點隱隱及週身膚脹通紅者無論咽喉紅與不紅腫與不腫腐與不

腐但覺咽痛或先曾痛過發熱後反不甚覺痛者此是初痛時誤進寒涼均屬疫痧急宜按照後開各方

暢為透達既透方清層次不可攙越轉捩不可呆鈍益從來風火之重變幻之速無有過於此證者一落

呆相便多貽誤亦有偶然感觸內本無邪僅見咽痛寒熱不甚壯膚脹不紅胸悶口渴亦微者但須乘

其初起之時按照後方急與疎解不至發痧熱退痛定亦就痊矣至於失治邪陷則有腮腫頰車不開唇

口緊小支體膚黑欲蛇舌絳喉腐痧點半隱不透馴至神昏譫語氣喘腹瀉鼻煽鼻煤音啞瘞厥不可為

矣

喉痧發於肺胃初起憎寒發熱為肺邪欲洩之象所以必現咽喉腫痛者咽喉為肺胃道路顧氏為熱淫

浮越者是也其瑣碎小粒者為痧痧者沙也紅暈如塵沙而起屬肺其成片如雲頭突起者為痲痲者丹

也或隱在皮膚之間多起於手足身背之上昔人謂屬脾以脾主肌肉故也余則以為此正胃腑之熱淫

外越耳蓋陽明亦主肌肉也有一見即化者有痧透後始化者其如疔瘡塊者發則多癢而麻木此係其

人肝熱而兼濕痰藥宜稍佐洩肝發皮滲濕之品至於失治邪陷初陷則在少陽陽明耳前後腫陷之深

則頰車不開唇緊膚黑陽明風毒極盛也其舌苔黃者猶在氣分至舌絳則直逼營分矣營分受邪逼近

包絡再陷則神昏譫語毒焰益烈惡候並見不轉瞬而風火交煽痙厥立至鼻煽音啞肺陰告絕頃刻云
亡矣其氣喘腹瀉鼻煤之證微者可治甚者不可治當於後開各方中求之

論脈

喉痧之脈初起浮之濡濇按之沈滑此伏氣在內腠裏怫鬱之象也或左兼絃緊者風勝故也右反沈者
邪遏氣道也右寸伏者誤進寒涼喉已腐而肺氣不布也左寸亦伏者邪陷已深上焦氣道欲閉也左關
獨弦者陰氣先傷邪氣乘虛而犯肝膽也男子奪精婦人經水適來者往往見之弦而兼勁者火炎生風
也若治之得法一散之後便轉洪數或未甚暢者當再散之必六脈俱透內伏之邪盡洩然後清而和之
則證靜脈和矣至於候治之脈則似浮非浮似洪非洪似數非數脈既模糊不清證亦錯雜不齊難為力
矣

論治

喉痧一證歷來鮮善治者以不敢發暢其表也不知此證重在痧子不重咽喉顧氏早已言及之矣溫厲
之邪鬱之深而發之暴不能自出於表以至上竄咽喉苟非洞開毛竅何以洩其毒而殺其勢此開手所
以必用麻黃也用麻黃之法有獨用者有以余近年所見用麻黃者十治十生所不能生者為日已多誤

及入豆豉內者詳見後

治在前毒陷已深揚之不達耳其甚者津液已枯厲邪與氣血交混此時散之無可散清之不能清雖使
扁倉復起恐謝不敏抑知致此之由半由因循坐誤半由縱橫雜治誠使循經按法詎至是故愚請以一
得之見為暢其義焉一曰解穢厲邪由口鼻而入其穢濁不正之氣業已瀰漫於無形勢必芳香以解之
如臥龍丹玉樞丹太乙救苦丹之類是也一曰開表痧屬陽腑經邪初起必從表散疫痧受邪較重尤宜
急與開達如麻黃豆豉之類是也一曰疏風疫痧每發於火旺風勝之年且必觸時令之毒風而發故荆

防在所必需若已成火化者桑疾可參用焉一曰疎肺皮毛者肺之合肺氣開則皮毛亦開自無壅滯不
透之患且肺主一身之氣化清肅下行諸氣受治疫厲亦因而自潰故芩前亦為要藥壅之甚者紫苑當
兼用焉其他如杏仁土貝之化痰人中黃之解毒桔梗之載藥上行西河柳之循經速達皆為斯證不祧
之品此初起一二日之大概情形也至於二三日間表邪已解裏邪方急則當用枳實元明粉下之此為
釜底抽薪之妙法肺氣一通痧火自息咽喉亦漸愈矣至於存陰清化諸法則有藿石斛鮮生地羚羊角
等味疎腑潤腸則如枳實導滯丸之類清洩餘火則如桑葉丹皮桑白皮等味善後調理則如西洋參製
首烏等品當於後開各方中求之茲不具列

喉痧發表非難清裏為難清裏非難清之適如其分為最難轉關之際有先一着不得後一步不能輕一

分不穀重一毫不勝者此中消息非親歷者不能知茲姑約畧撮示其一二焉大凡初起之時苔多白滑

厚薄不等但是以當用溫散既散之後痧邪外達苔轉薄黃便當稍兼清洩以桑葉易荊芥可也若舌苔

黃甚或邊失漸紅口必渴當參用藿山石斛四五錢或六七錢不等是名白膏一二劑後痧透透字喉寬

熱勢緩脈形俱暢證勢漸平黃苔亦化其羊舌前半俱紅尖上起刺以上數語此時可去麻黃不用祇用

桑防鼓斛芩前杏貝土貝甘甘中桔西河柳等味以透餘邪而兼清化若大便不通者可加元明粉枳實

下之一劑後痧透極足前云痧透此云痧透極足當細審而有化象黃苔盡化舌本通紅或絳尖刺如楊梅此時痧毒盡

洩痧火正熾當以羚羊角鮮生地等洩而化之以生地合豆豉即古方中黑膏遺製也其餘並如前藥風

勝者白蒺藜亦可加入便艱有滯者元明粉或枳實導滯丸均可用當先用元明粉繼此以往白膏黑膏

參用黑膏輕者一劑重者亦無過二劑極重者用至三劑足矣此時必痧回脫皮偏身習習作癢熱退淨

猶熾者仍參用白膏猶熾者仍參用白膏二劑三四劑均可羚羊角量用羚羊為洩風化火之品痧火甚盛者用之或元明粉導滯丸酌互用之

初下當用元明粉鹹寒下降以撤火或一服或二服後大便已行或大便未行而火勢已殺當易至於善以導滯丸之苦降下奪或其人內有燥矢未盡腹中時痛緩一二日後再稍稍加元明粉下之

後之法不外清洩脾胃而已表裏俱澈可稍加清養以調之

喉痧有因奪精後如房後遺精之類而發者其邪易入少陽洩則肝膽易於受邪也一當參用仲聖四逆散法以

赤芍易白芍以甘中黃易甘草合之則柴胡赤芍枳實甘中黃是也仍當與麻豉荊防等並用之內無風

滯者可去枳實指尖不甚厥冷者可并去赤芍但取洩邪無須破其陰結或初起先投麻豉荊防等一劑第二日再加

入用之亦可痧未透齊可連用兩劑或三劑當斟酌用之婦人經水適來亦當參用柴胡恐其熱陷經不

甚暢者仍當兼用赤芍或少腹滿痛即桃仁紅花等亦可加入血結胸者亦如之此語在喉痧中罕見以

出六七日之間不比尋常溫熱病之耐久也設或過此可參用氏溫熱論治之其他產婦嬰兒治法同前

喉痧發表為先其次即當下奪燎原之勢非杯水所能滅所以僅施滋清不為功仲景治傷寒有急下存

陰一法正合此病下之必用元明粉者以其有合於洪範潤下作鹹之義分量不必過峻大率以一錢為

準然不能拘證勢急者不妨酌加或後下後下性猛下同煎或同煎緩隨證審治可也設或一下之後火不甚殺不

妨再下一二劑後火衰其半可易以導滯丸二三服或火勢復熾使艱腹痛者仍參用元明粉一二劑其

用下之法畧如吳又可治疫之意必大便行過數次脈靜身涼苔轉薄白飲食漸復然後內無留邪火不

復熾矣

喉痧有兼見洩瀉者證勢必重若因穢勢所侵當用太乙救苦丹若因挾食所致當用枳實香薷等消導

之劑若因熱結旁流當通因通用但既瀉則表邪易陷必須參用粉葛根一味以升清達表為主一二劑

後痧透瀉止證從火起反見便艱脈實者仍當用下若因誤治洞洩者難愈

喉痧用麻黃之法若時令嚴寒或證起數日表邪鬱極當急與解散者可獨用分量少只三分多至五分

不過取其輕揚之性以達毛竅非若西北正傷寒之需重汗也或時令溫煖邪鬱不甚者可炙入豆豉內

用之分量亦少至三分用豆豉三升佛仲聖麻沸湯之法然亦不可拘若時令雖暖而表邪甚急者仍當

專用為捷若在暑月可用桑白皮監之或其人素有痰血或病中曾見衄血者俱宜兼用桑白皮此局方

華蓋散之遺製也至於救逆諸法則有麻黃與白膏同用者如邪鬱數日已從火化苔黃口渴者以麻黃

有與黑膏同用者如誤治在前表邪未達痧透不暢而舌色絳赤者麻並有與石膏同用者如發於暑月

火與暑邪交并熱甚生風手足應癱而邪仍未達舌焦黑口渴者不得已可試用之即非暑月

但見以上諸證者亦可參用○按以上三法藪者大抵可救絳色而未動風者或可救已動風者難救

若焦黑舌者大抵不救矣○又按凡非時暴感溫邪為寒所束發為雙單乳蛾身灼熱無汗氣喘咽關暴

腫欲閉者先用太乙玉樞丹或救苦丹繼用麻黃杏仁石膏甘中黃枳實製大黃前胡土貝母防風桑葉

牛蒡桔梗等治之頗驗活法在人是在臨證者審體之

喉痧疎表不透稍陷少陽陽明二經證見耳前後腫或掣痛將變出發頤疔瘰之類當用防風白蒺藜柴

胡葛根等散其風毒或但頰重開闔不利祇加防風白蒺藜亦可若口唇緊小膚黑欲蛻當用秦艽白蒺

藜等追其風毒若痧後餘毒內壅致頸項結核變成瘍證未成膿者多用消風化痰活血解毒之品以散

之如桑葉薄荷前杏貝甘桔赤芍製蠶之類已成膿者可付瘍家治之

喉痧初起舌苔白滑者表有風寒也白而兼膩者內挾穢濁不正之氣微黃者漸從火化黃甚者痧火燦

氣也尖絳者邪熱逼營純絳色鮮澤邊尖起刺痧已透者為營熱外洩未透者舌必紫絳而乾根邊多帶

黃白厚膩之苔此表邪未達痧火已燦及營分為難治中心焦黑者痧火內燔津液枯竭也舌短縮者腎

申禁

喉痧邪伏在裏初起切忌寒涼以鬱則毒熾愈熾也不特涼藥不宜悞服即一切瓜果冷飲俱宜禁絕世人不知以為口渴咽痛屬火恣啖青果水梨茅根西瓜皮等甚者或擅服西洋參麥冬元參石斛之類貽誤非淺不可不申其禁

善後

喉痧既愈之後周身膚蛻如麩氣血曾受刻削須善自保衛以復太和其遺熱必須清洩淨盡然後可加培養病人須薄滋味節飲食謹嗜欲邪淨後尚宜茹素兩三旬其一切腥羶發物俱宜遠戒房室尤不可犯過四月方稱復元否則痧後餘波變怪百出慎勿輕身嘗試

防先

疫痧盛行之際室中宜薰除潔淨熏以名香或雜燒檀降香芷之類以辟除其穢惡不正之氣入病人室宜咬團圍皮蛋一枚能飲者佐以高粱酒少許男婦老幼俱宜佩太乙辟瘟丹一顆以絳帛囊之當心懸挂不可近褻

喉痧條治

冬燥春寒邪鬱肺胃運火令火結而為伍上竄咽喉紅腫而痛或但痛不腫不紅憎寒發熱或壯熱或不甚熱或乍寒乍熱微者飲食如常甚則胸痞咽阻不能食脈形弦數或濡數或沈數或沈弦不數或右寸獨大或兩寸並沈或左部兼緊者皆邪鬱未伸之象也舌白不渴或微渴而苔滑膩者或渴甚而苔仍白滑者邪在表分也荆防麻豉湯主之胸痞咽阻者先與太乙玉樞丹或太乙救苦丹吹藥始終用玉鑰匙原方主之

荆防麻豉湯

荆芥 防風 麻黃炙 豆豉 牛蒡子炒研便澆者勿研 桔梗 杏仁澆者勿研 土貝母去心 甘

中黃 西河柳

痰濕盛而舌白膩者加紫苑重洩其肺 或其人素有痰血證及病中曾衄血者加桑白皮遇暑月亦

宜加用 腹痛洩瀉者先服太乙救苦丹瀉甚者加粉葛根 挾食者加枳實查炭麥芽 婦人經水

適來及男子奪精房勞四支厥冷加柴胡赤芍 舌黃者去荆芥加桑葉黃甚燥渴者加蘆山石斛

耳前後掣痛或腫者加柴胡粉葛根白茯苓 煩車痠痛者去荆芥加茯苓 唇口緊小起焦黑者疾

藜秦芫同用

眼前藥既得汗則咽痛必寬痧必漸透或有轉變可參後方如證勢較鬆得汗未暢前方再進一劑必

痧透而咽痛止矣如不止繼方加枳實元明粉下之

此證重在發汗使痧邪外達則不至釀成危證體虛者尤宜急透所謂無糧之師利於速戰也即使自

有汗者仍須汗之一汗不暢則再汗余經治曾有投四劑而始達者在此證中亦罕見總以舌苔化咽

痛愈痧點至足心舌尖起刺為度

痧透喉寬苔黃尖絳脈轉洪數者桑防白膏湯主之便閉者可加枳實元明粉下之

桑防白膏湯

桑葉 防風 豆豉 霍山石斛二味同打 牛蒡子 桔梗 前胡 杏仁 土貝母 甘中黃 西河

柳 其有他證相兼者加減法同前

痧點逗留不化舌色純絳鮮澤尖上起刺者羚羊黑膏湯主之已下便未暢者仍加枳實導滯丸疎之

羚羊黑湯

羚羊角銹先煎 豆豉 鮮生地二味同打 桑葉 白蒺藜去毛 牛蒡子 桔梗 前胡 杏仁 土貝母

甘中黃

熱甚生風者可加鈎勾入後 便燥實鈔火極盛須急下者元明粉大黃俱可用 其餘隨證加減

服此一二劑鈔回火勢漸退可參用白膏一二劑羚羊角元明粉導滯丸等仍可參用

東垣枳實導滯丸

大黃兩 枳實炒 黃芩炒 黃連炒 神麩五 白朮炒 茯苓三 澤瀉錢

蒸餅為丸多寡量服

痧回熱退舌化脈和餘邪未淨時手足心熱者桑丹瀉白散主之便未暢者仍加枳實導滯丸疎之或

五仁湯潤之肺與大腸相為表裏故

桑丹瀉白散

桑葉 粉丹皮 桑白皮水 地骨皮 牛蒡子 前胡 杏仁 土貝母 生甘草

五仁湯按此與古方五仁丸不同古方用杏仁

大麻仁研 柏子仁研 杏仁尖研 瓜蒌仁研 郁李仁研
按近時所用郁李仁藥肆中並殼不去是竟用核非用仁矣市櫓之

不考如此

痧後肺胃餘風未清者牛蒡前胡湯主之

牛蒡前胡湯

牛蒡子 前胡 桑葉 白蒺藜 杏仁 萹仁 枇杷葉去毛 餘可隨證加減

瘥後胃燥者霍斛元參湯主之

侯 痧 王 的

五

霍斛元參湯

霍山石斛 元參切 杏仁 萸仁 餘隨證加減

瘥後肝胃之陰不復者參烏湯主之

參烏湯

西洋參切 製首烏

喉痧盛行之際時令寒燠不常客邪侵肺咽間微覺有阻者荆防蘇湯主之苔薄黃者去荆芥易桑葉

荆防蘇散湯

荆芥 防風 蘇葉 豆豉 前胡 紫苑 杏仁 象貝母去心研

此肺邪之輕者服此則肺氣開而咽自和矣設或不愈審是伏邪仍前麻豉法治之

喉痧備用各方

卧龍丹 錄濟囊撮要方○此丹共有三方此方最為靈捷

治一切痰厥氣閉時疫痧瘧諸般急證喉痧用以取嚏有嚏者多生無嚏者多死初起用之可以辟穢

西牛黃 麝香當門子 梅花水片各一錢 蟾酥五分 羊躑躅楊花各開 猪牙皂角各三錢 細辛二錢

錢 燈草灰一兩 金箔百張 研勻磁餅收貯遇急證吹鼻取嚏

太山玉樞丹 一名神仙解毒萬病丹又名太山紫金錠○徐靈胎曰用藥之奇不可思議此秘藥中第一方也

通治百病內服外敷無不神效喉痧初起用之不過三四分研細開水送下候溫服不可太涼

紅芽大戟 杭產紫色者佳米泔浸去蘆根皮骨淨焙一兩五錢 山茨菇 有毛者真去皮 川文蛤 即五倍子去蟲屎洗淨焙各二兩 千金子

即續筒子揀白肉紙 硃砂 鏡面有神氣者水飛 雄黃 鮮紅透明者水飛各五錢 麝香當門子 研去毛渣三錢 各研細末稱準

分兩擇端午七夕或天德月德天醫吉日淨室虔製忌雞犬婦人見用糯米白粥石臼中搗數千下以極光潤為度印成錠子每錠乾重一錢孕婦忌服

附各證用法 一切飲食藥毒此毒盡毒河豚六畜肉毒張悶昏倒凉水磨灌○傷寒陰陽二毒心悶狂

○傳尸磨瘡每早清水磨服數日下惡物○自經弱水驚魔鬼迷生薑湯磨灌○癰疽發背疔腫惡毒

淡酒磨服未破醋磨塗患處○打撲損傷松節無灰酒磨服○大蛇蟲蝎湯腫醋磨塗患處○牙痛含

少許熱下○小兒急驚疳痢瘵瘵姜湯磨服○天行疫症水磨塞鼻孔再服少許

辟穢却病○倉猝無引概用凉水磨服

此丹居家出行輿工動眾須珍備之

太乙救苦丹 乾隆中陳恪勤公刊本

通治百病內服外敷神效 癩癩每用一

紅芽大戟 去骨白者 千金子 淨 北細辛 去葉 川烏 煨去 雌黃 千葉者

蛤去蟲 生香附 各一兩 麻黃 去根 蘇葉 去 木香 晒 茅朮 米泔浸 山豆根 去蘆 製半夏

各一兩 滑石 水飛一 升麻 桔梗 雄黃 透明無石 藿香 陳皮 錦紋 大黃 銀花 各

兩 飯赤豆 揀紫 鬼箭羽 用錫 丹參 各二 硃砂 水飛 麝香 當門子 西牛黃 各三 按麝

黃咸半 選上好藥料擇吉虔製各稱淨末以寅辰日配合糯粥薄漿和之杵千下先將方內雌雄黃

硃砂麝香半黃提出另和以一半攪入各藥內杵和先搓成小丸晒乾後將所剩之雌雄黃硃砂牛麝

等末用粥漿搗和滾上再晒乾時仍用各種藥末粥糊裹在外面晒乾成丸每丸計乾時重一錢為度每

一丸開水化服重證連用二三服小兒減半孕婦及血勞忌服

附各證用法 瘟疫陰陽二毒傷寒心悶狂譫霍亂絞腸痧蠱毒惡苗河豚鳥獸毒小兒急驚疳痢癰疹

交好酒磨服○頭痛頭風酒磨塗太陽穴○傳尸瘡清水磨服○自溢溺水魔魅鬼迷冷水磨灌○赤

痢凉水磨白痢姜湯磨瘰癧瘰癧疥癩桃枝湯磨服○心脾痛淡姜湯磨服○牙痛酒磨塗患處○瘧疽發

背疔毒惡瘡癩疹瘤痔便毒堅硬淡酒磨服並冷水磨塗已潰者忌用○湯火鼠蛇毒蟲傷水磨塗患處○道塗倉卒無引概用凉水磨服忌火烘鹽渣汗污穢觸○天行疫癘絳囊感佩入病家不染如邪已中人恍惚迷悶頭痛腹脹此可保平安

玉鑰匙即子吹藥○按此是古方相傳出葉氏猴科秘傳中余則未見其書今從金氏痲痧輯要中采入

治一切猴證腫痛腐爛長肉生肌始終用之

製元明粉五 硼砂五 鏡面硃砂六 梅花水片五 製殭蠶五 用新傾銀罐先硼後硝層層

間鍊如昇枯礬之狀以極鬆脆為貴研極細末置冷地出火氣後加水片 辰砂或加西牛黃 凍珠

粉各三 按喉痧初起不必加公待表邪已透而喉腐不愈者方可加入其加法如遇白苔火不盛者單加珠粉亦可不愈再加牛黃若黃苔絡胎而火盛者珠粉牛黃並加多少隨時審定

錫類散附錄溫熱經緯方

象牙屑焙 珍珠各三 飛青黛六 梅花水片三 壁錢焙俗名壁蟾粟二十枚 西牛黃人

指甲焙男病用女病用男分別配合各五釐 各焙黃之藥置地上出火氣研極細粉密裝磁餅內勿使洩氣專治爛喉

時證及乳蛾牙疳口舌腐爛凡屬外淫為患諸藥不效者吹入患處瀕死可活

王士雄按此方尤鶴年附載於全匱翼云張瑞符傳此救人而得子故余名之曰錫類散功效甚著不能殫述按此方全氏丹痧輯要中亦載之餘從溫熱經緯中采入較詳

辟溫集香 附錄絳囊撮要方○天行瘟疫此香最妙

蒼木 桃枝向東南者各十二斤 白芷 山柰各八 檀香 降香 甘松 大茴香 桂皮 香附各三

烏頭斤 貫眾 鬼箭羽 白蔘各一斤 雄黃 雌黃各八 右藥晒乾研細榆麪拌勻令做香匠

以細竹絲為骨做成線香隨時焚點原註瘟病聞之易入並不傳染凡家中旅館舟車俱可用之且製成線香焚燒携送尤為至便

原序

雍正間粵東潮州鎮軍范培蘭留心壽世徧閱方書深歎議論不一而人之疾病亦不一以不一之議論治不一之疾病豈不憂憂乎難之然繩墨責乎變通成法不可拘滯慨夫今之庸醫不分經絡受病之由不按陰陽表裡之症專以湯頭為準舛誤甚多藥之不效實由藝之不精也夫以微茫變化之經脉概執成方以治病一涉疑似即有毫釐千里之謬人命至重可不慎哉欲於診視之外求所以治病之神與去病之速莫若鍼砭之法其法或用鐵鍼或用金石或用艾灸燈灼種種不一雖有救急之功而焦頭爛額傷其肌膚是一病未除又增一病亦非善道惟雷火鍼一法最為善治但考其藥品多用蜈蚣烏頭巴豆等物率皆猛烈劫制倘遇孱弱羸怯之軀貽害不免每為躊躇適有道人踵其畧而傳其秘號曰太上神鍼製同雷火法而藥皆純正且用法隔布七層不傷肌肉非若鐵鍼與金石艾灸者令人徬徨畏懼也范鎮軍心竊喜之擇吉依法製造每遇人有風寒暑濕痼疾沉疴治無不效即多製藥鍼詳列症治遍送世人數十年來濟人不少山陰王君大德得其鍼法會稽沈君士元任江甯尉患手指麻木王君鍼之立愈沈君遂亦製鍼遍贈衣袂予得其傳因足染木疾多年不愈如法製針未及自治先治癆病兩人風病一人血病三人無不應手而愈予病亦隨治即痊洵乎此鍼功效異常其為仙傳無疑願與當世寶之

太上神鍼方

艾絨 參兩 硫黃 貳錢 真麝 乳香 沒藥 松香 桂枝 杜仲 枳殼 皂角 細辛 川芎

獨活 穿山甲 雄黃 白芷 全蠍 各壹錢

右為末稱準分兩和勻預將大紙裁定將藥鋪紙上厚分許層紙層藥凡三層捲如大指粗細杵令極堅以桑皮紙厚糊六七層再以雞蛋清通刷外層務須陰乾勿令洩氣

用鍼法

一用鍼先審是何病症取何穴道用筆塗記其穴以紅布七層安於穴上俟鍼

一將鍼向燈燭上燒透對正穴道放於紅布上候藥氣溫熱漸透肌腠直入病奧便覺氤氳清爽應效

之速難以言傳若太熱將鍼畧提起俟熱定再鍼以七記數少則一七多則七七

一燒鍼務令著透輕重浮沉按須得法鍼火若滅再燒之

一用過藥鍼以極乾竹筒封藏勿令受潮洩氣便可復用

一天宜氣晴和明窓淨几密室無風之處敬謹焚香如法用鍼登時奏效更須擇吉若遇人神所在之

日不宜鍼灸切須忌之

一鍼後靜卧片時使藥氣周流暢達於臟腑脉絡之間然後起飲醇酒數盃借酒力以行藥氣微醺為

度切忌冒風

一鍼後務宜謹攝起居保養元氣禁止房事擗節飲食


逐日人神所在不宜鍼灸

初一在足 初二在趾 初三在股 初四在腰 初五在口 初六在手 初七在內 初八在腕 初九在尻 初十在


腰背十一在鼻梁十二在髮際十三在牙十四在腕十五在遍十六在胸十七在氣十八在股十九在
 足二十在內廿一在指廿二在外廿三在肘廿四在陽明廿五在足廿六在胸廿七在膝廿八在陰廿九
在膝三十在足

穴道取寸法以男左女右手中指第二節屈指兩紋尖相去為一寸取稻草心或薄篾片量之

穴道圖仰面



穴道圖合面



凡中風頭風風癩角弓反張忘前失後氣絕脫肛目淚耳聾鉞百會穴從鼻直上入髮際五寸旋毛陷中可容指處醫宗全鑑云直上兩耳

尖頂陷中

凡腦冷鼻塞腦漏汗不出目睛痛鉞上星穴從髮際直上髮寸或從眉心入四寸

凡頭疼目眩出淚流涕鉞神庭穴從鼻直上入髮際五分即眉心上三寸五分

凡喉嗆喉風哮喘氣噎肺癰咯血喉中有聲鉞天突穴結喉下二寸陷中

凡心腹疼痛驚悸痰疾伏梁氣壅狀如覆盆黃疸積塊熱病腹鳴飲食不化虛勞時症血痰風癩等症鉞

上腕穴臍上五寸

凡翻胃吐食心下脹滿狀如伏梁傷寒飲水過多腹脹氣喘寒癖飲食不進赤白痢面色痿黃五隔鉞中

腕穴臍上四寸

凡肚腹堅硬痞癖氣塊小便赤澀身體羸瘦翻胃氣脹不嗜食飲食不化鉞下腕穴臍上二寸

凡男子陽事久憊婦人經水不調及滯氣成塊狀若覆盆腹脹氣喘心臍下冷痛面赤臟氣虛憊真氣不足一切氣疾不化肌瘦四肢無力奔豚七疝腹脹結塊脫陽陰症囊縮婦人臨行房羸瘦崩中月事不

調產後惡露不止繞臍絞痛閃著腰痛小兒遺尿鉞氣海穴臍下一寸五分

凡男子遺精白濁臍下冷痛小便痛澀遺瀝溺血婦人赤白帶下經水不調胞門閉塞胎漏下血產後惡

露不止鉞關元穴臍下三寸

凡男子奔豚搶心遺瀝失精五淋七疝小便赤澀婦人經水不調不受胎孕冷氣積聚冲心臍下結塊失

精無子胎衣不下惡露不行血結成塊子門腫痛小腹寒痛陰痒痛臨經行房瘦弱鉞中極穴臍下四寸

凡目痛內障赤白翳腫腫脇下痛鉞臨池穴從兩目中直上入髮際五分陷中

凡目痛內障赤白翳腫腫脇下痛鉞臨池穴從兩目中直上入髮際五分陷中

凡兩額暴痛口眼歪邪牙關緊閉失音不語鉞客主人穴兩耳前骨上宛中

凡傷寒結胸咳嗽吐膿肚腹膨脹霍亂吐瀉婦人熱入血室產後飲食不進鉞期門穴兩乳下第二肋骨

凡夾臍痛冲心腹痛赤白痢疾泄瀉飲食不化男子一切血損婦人結血成塊鉞天樞穴臍兩旁各開二寸許陷中

凡手臂痠痛不能提物鉞肩髃穴肩端兩骨間

凡偏風不遂兩手拘攣捉物不得臂細無力肘內寒冷而痛傷寒餘熱不盡舉體痛癢如蟲啣皮脫癩癩

癩疾癭癭鉞曲池穴屈手按胸肘彎

凡風痺手臂不舉汗出中風小兒慢驚痰瘧鉞尺澤穴肘中動脈處即肘彎橫紋當肘中

凡手臂不仁肘彎難伸偏風痛疼頰領紅腫齒痛瘰癧鉞手三里穴曲池下二寸銳骨

凡兩腿麻木左攤右瘓行步不得一切腳氣鉞風市穴端立垂手於股外中指尖到處

凡疝氣遺溺失精足痿不能行鉞三陰穴內踝上三寸大骨下陷中

凡十般水腫四肢厥逆咽喉引痛久瘧不食惡聞人聲口歪齒齲鉞內庭穴足大指次指歧骨縫

凡白濁溺難腹脹心痛欬逆吐血煩悶短氣手足浮腫四肢厥逆而冷鉞行間穴足大指次指歧骨縫

凡小腸疝氣小便頻數陽縮入腹陰囊偏大臍腹腫脹而痛尸厥如死腳氣紅腫行步艱難婦人血崩鉞

大敦穴足大指端去爪甲韭葉許毛中 以上正面

凡耳聾聾鳴脫頰口噤頰腫牙疼鉞風池穴在耳後陷中按之引耳內

凡五勞七傷偏身發熱諸般瘧疾鉞大椎穴第三節頸骨下

凡脊脊強痛欬吐不止癩狂譫語癩癩發熱鉞身柱穴大椎穴下三節骨下

凡上氣喘不得卧鉞靈臺穴第六節骨

下交間

凡腰腹引痛頭疼如破裏急癩癩鍼命門穴十四節骨下突中

凡腰胯脊痛不能俯仰足痺不仁婦人月水枯閉鍼腰俞穴尾尻骨節上突間

凡傳尸骨蒸肺痿吐血咳嗽胸膈氣喘鍼肺俞穴三椎骨下兩旁各開一寸五分全鑑云以手搭肩左取右取右取左當中指末處

凡五勞七傷諸虛百損肺痿咯血咳嗽吐痰寒熱往來四肢無力人身百病無不主之鍼膏肓穴四椎骨下兩旁

各開一寸五分全鑑云正坐曲脊從脾骨上角摸索至脾骨下頭其間當有四肋三間按其中一間空處是其穴也

凡血症心痛翻胃吐食自汗四肢怠惰鍼膈俞穴第七脊下各開二寸正坐取之

凡多怒躁急氣促欬逆目眩黃疸鍼肝俞穴八脊下各開二寸

凡骨蒸勞熱舌乾咽痛頭疼目黃食不下乾嘔并諸血症鍼膽俞穴第九脊下脊中二寸故不從寸半之說

凡諸般黃疸四肢不收痺痛膈疼久患泄痢翻胃吐食膈氣積聚痰瘧寒熱鍼脾俞穴十脊骨下各開二寸

凡胃寒腹脹腸鳴翻胃嘔吐小兒羸瘦鍼胃俞穴十一脊下各開二寸

凡腎經虛僂腰痛如折使血出精陰痛身熱耳聾目眩膝攣足寒鍼腎俞穴十三脊下各開二寸亦有十一寸五分全鑑云與臍平

凡五痔腸痔兩腎尖痛泄瀉久痢陰汗濕癢腸風脫肛鍼會陽穴尾尻骨兩旁各開一寸半亦可全鑑云五分

凡狂悖煩悶驚風掣肘不得屈伸鍼腕骨穴手外側腕前起骨下陷中即小指真上處

凡鼻血不止唇吻不收痞不能言口噤偏風風疹頭痛鍼合谷穴大指次指歧骨陷間中即虎口兩叉骨縫中

凡中風中痰半身不遂腰膝強直股痛相引腰脇不得轉側諸風寒濕風痺風疹等鍼環跳穴在脾樞中側卧屈上

足伸下足取之足後跟到處即是大腿日股股上日髀健骨之下大腿之上兩骨合縫之所曰脾樞富環跳之處也

凡五勞七傷翻胃氣隔腸鳴肚痛疰癖膨脹胸膈蓄血咳嗽稠痰腿膝酸痛足痿失履鍼三里穴膝下

行外臚以手掌按膝頭中指尖到處股外旁也膝蓋骨下三寸在筋骨外臚兩肋肉分宛宛中平坐垂足取之在背全鑑作大筋肉

以上按穴治病不可舛誤如遇週身疼痛跌墮損傷骨節疼痛瘀血不散及癰疽發背對口疔瘡痰核
癰痔一切無名腫毒各於患處鍼之痛者鍼至不痛不痛者鍼至痛即愈倘水陸舟車客途旅次以及
窮鄉僻壤無藥之處帶備神鍼見病即鍼鍼到病除真屬快事不但保身兼可積德願與同志廣為傳
布以濟世馬

附大乙神鍼灸法

用生薑一大片厚二分許中穿數小孔平放應針穴道之上用麪捏一小碗如酒盃大碗底亦穿數小孔
將神針內藥料折出再加蘄艾絨少許捏作團置於碗內點燃平放於薑片之上傾刻之間藥氣即可透
入如覺甚熱將薑片畧抬起停片刻即再放下看碗內藥將燃盡取起另換每一次換藥三四回便可
收止每日或一次或兩次不拘

太乙神鍼有兩種用法一將針懸起離布半寸許藥氣自能隔布透入一將鍼實按布上藥氣更易
透入然懸起一法取效較緩實按一法輕則布易燃重則火易滅均有微礙不如以針為灸較為妥
當取效亦速今夏余右臂患麻左膀作痛數月未痊山陰唐煜軒大令以所製太乙神鍼授余先用
懸針法痛麻雖減而未能脫然繼用實按法苦其不便因變而為灸又思灸法皆用艾作團點著置
所患處顧團小則藥力不濟團大則皮膚易傷故用麪碗隔薑灸之收束艾火不使零星散亂而藥
氣溫暖半刻許已直透病與頓覺肌腠筋絡之間氤氳暢達余每日灸一次凡三日而所患若失竊
謂此法可為太乙神鍼之一助用敢詳疏其法刊附書後公諸世人咸豐六年十二月朔滄洲葉圭
書識於濟東道署

同治甲子春奉檄赴漢督銷淮鹽偶因渡江閃腰痛楚不可行坐舊好王省三司馬授此針法試效如神
原刻穴圖病原間有舛誤因畧加考證重授梓人以廣其傳秀水張文瀾識

青浦何氏世精軒岐之術著作甚多此救迷良方乃書田翁晚年所輯治烟癮方也侯官林尚書嘗刻於楚省再刻於粵東而此間反魁傳本翁哲嗣鴻舫長治以眎予爰並刊之道光三十年庚戌六月金山錢培名附識世人未吸鴉片時亦能說人誠人及至臨場染指則又多方解說其入迷之故有四或以應酬為趨時或白以喫為便宜或借為房中之藥或信為却病之方自謂必不成癮乃始而掩飾繼而回護終而沈酣向之說人誠人者未幾而與之俱化矣此由時勢使然非言語所能勸誠雖百萬廣長舌亦無能為役多見其不知諒也此刻救迷良方為直能悔禍者聊備一籌其實即有良藥豈能強不欲醫者而使之服况徒方乎予之嘵嘵不置惟恐他日一時不謹使導我先路者反唇相譏故書此以自警焉鴻舫屢校因書以歸之道光庚戌七月之望南滙張文虎獻山識

戒烟神效方

粉甘草 單 白薑 菴 不入 菸 神 平 川 貝 母 平 生 熟 地 平 陳 佛 手 平
杏仁 平 善 什 妙 杜 仲 平 桂 枝 水 炒 竟 辰 冬 平 橘 絡 去 毛 刺 老 蒼 朮 平 萬 松 紅
單 金 牛 蒡 子 平 佩 蘭 葉 平 使 君 子 平 上 各 藥 並 酒 湯 去 渣 用 再 用
防 凡 平 為 水 煮 透 入 烟 灰 的 五 平 並 去 渣 炒 食 鹽 平 平 飛 淨 珠 砂 等 和 入 膏
內 用 好 屠 菜 四 升 炒 膏 酒 入 微 火 炒 乾 以 九 分 為 度 不 可 過 乾 以 日 隨 意 泡 飲
應 少 女 平 刺 大 花 的 五 平 刺 竹 烟 灰 含 鹽 湯 以 次 茅 減 少 久 減 盡 而 癮 即 可
除 矣

救迷良方

青浦何其偉書田氏輯

右軍有言死生亦大矣豈不痛哉蓋痛夫有生之難而致死之甚易也知其難而愛之保之尚不免疾厄之夭折况明明導以速死之路而甘心蹈之至喪身斬嗣而弗顧不痛之尤痛哉今者阿片之流毒徧海內矣嗜之而死雖億兆人奚足恤然豈無將死未死忽幡然悔懼求延殘息於頃刻者是不可不有以蘇之我欲生即生良方具在焉若朝既欲生夕又忘死一念為人而一念為鬼則亦未如之何也

已道光十三年癸巳季春月望日閩中大君子命竹斡山人書於蘇撫節署平政堂之西廡

鵲丹又名長取南瓜根藤花葉及瓜滌淨搗爛絞汁服之風癮盡去未結瓜者更佳雖吞生烟服之亦愈

案本草南瓜甘溫無毒補中益氣又截其藤有汁極清如露西洋人以治吞生鴉片烟者即此故秘其

方詭也則亦可以治癮矣 南瓜於初夏種子五月藤蔓開花六月結瓜七月以後瓜熟藤枯不能濟

緩急之需存心救苦難者於盛夏時將瓜藤花葉取而搗汁置氣中窖藏待用可也潞黨參一兩綿黃

耆一兩熟地黃二兩當歸身一兩升麻三錢野白木一兩桂五錢全櫻子六錢粉甘草

五錢蜜一兩白芍藥一兩柴胡三錢鶯粟殼八錢廣陳橘皮五錢五味子五錢廣木香五錢右為細末加烟

灰五錢煉蜜為丸如桐子大珠砂為衣每服三錢開水下 此藥為救人身家性命起見於烟癮未來之

前服三錢每次遞減二分服之九服可以斷癮

戒鴉片烟第一真驗良方序

今世之喪家敗德者稱挾邪游構瀆戲而止矣孰知烟之為害更有甚於此二者夫挾邪構瀆而不悟禍

斯及矣設一悟而卒然去之固自易易若鴉片之為害即使痛深悔悟必有不可得而去者而其欲去

之心即遷善之機是宜為之設法補救然歷究古方無解鴉片烟毒之藥鄙擬有是病即有是藥有是藥

即遷善之機是宜為之設法補救然歷究古方無解鴉片烟毒之藥鄙擬有是病即有是藥

即有剋制之物爰據醫經審求治理放諸藥性參之古法編輯成方以之戒絕烟癮頗有效驗用特刻方
傳送俾中毒者棄烟引如敝屣則某之厚望也夫

原本缺姓氏
汪質庵著元雜經
長治案一本云杭州
先君子刪節者

引論

蓋人之喉管有二一食管一氣管食管為飲食所由入通於腸胃直達下部出為便溺而氣管實司夫呼吸與食管並生下通肺心肝腎吸則氣因之而下降呼則氣出而上越呼呼之間脾居中主受納穀氣以榮乎血氣而烟之入也則由氣管呼吸往來積垢於五臟之中與受納飲食之腸胃食管截然兩開夫氣管為清虛之府本不能容受纖毫微末故雖顆粒滴水誤入其中即為欬逆必出之而後快烟乃有氣無形之物隨呼吸而漸積五臟之內而鴉片其味滯故滯其性熱故毒其色青黑故入肝腎其臭香故走而不守一吸而能入於內筋骨髓之內一呼而出又能達於皮毛毫髮之杪故一入五臟則徧體內外上下無處不到觀有引之人食才下咽則自頂至踵其舒暢有不可言語形容者此其明驗也始則由漸而常繼則由常而熟及其熟也臟腑賴烟而後快精神賴烟而後爽耳目手足賴烟而後安一旦無烟浸潤其間則腎先苦之腎苦則阿欠頻頻肝因困乏肝困則漣漣涕淚肺亦生痰矣蓋脾主信脾之感也如此則五臟交相困矣五臟交困眾體無所秉令輕則一身痿軟重則諸痰蜂起則又何病之不作哉嗟乎此之所謂引也既知所以起引之由故知所以用藥之法其法變食為吞在引之輕者及體之壯者即無法無方亦不難戒今專為受引輕重體氣弱者立法

醫論

受引之病前論詳矣治引之術以烟灰為君附子為用取其走而不守能通行十二經也佐以柴胡之左旋佐以升麻之右旋沈香直達下焦四者相合直通上下表裏頃刻而能徧於周身矣盡食烟之人中氣

鮮有不傷者中氣傷則穀食不化身體困乏而軟弱故用參耆以補肺氣白朮以補脾氣陳皮木香以導
取諸氣此皆所以固中州之根本也根本既固再有當歸連柏以涼血而滋衰弱之陰火且連柏能殺附
子之毒以生一源之水而制二相之火使無夢遺等證至氣血兩虛之人難保無眩暈然暈非天麻不止
故加以天麻用甘草者不但可補中並可以益血而協和諸藥也方中和氣補脾土雖寒熱並用而藥味
不雜亦不相悖製方之義然也况此方斷癮之善有妙不可言者以諸藥和吞於胃行氣於五臟旁通於
經絡俄頃之間即能透徹頂踵浹髓滲肌無處不到較之吹烟過引尤為快暢諸病不作烟引不來其中
有沈香木香芳馥之氣升降於其間藉附子氤氳之氣周旋於臟腑經絡之類日習積慣旬日之後臟氣
與烟拒格不但不思吹吸即聞之亦有苦味若勉強三五筒未有不作嘔吐者至是聞臭食苦嘔吐不納
雖下愚亦知可以毅然悔悟而返矣更有補中益氣固精養血之藥每日去有烟灰之丸一粒以減其引
加補正丸二粒以補其正使正氣日足邪氣自無所容縱至重之引至弱之體依法治之未嘗不可猝然
一悟而去之易易也雖然竊又有說焉如服食有效可已而不已可戒而不戒猶戀戀於燈前枕畔則烟
引易治心引難醫甘成附骨之疽死而後已雖有換骨仙丹亦未如之何矣可不戒哉願天下有志者一
經洗清腸胃視雅片如不共戴天之仇庶不負斯方之選矣

忌酸丸

即斷癮丸

名之忌酸者何因乎藥所忌也何忌乎酸味酸味與烟性相反也攷本草綱目諸藥皆有所

忌吞鴉片者與酸物齊下可使斷腸此方以烟灰為君其性尚存切忌酸物故名曰忌酸使入顧名思義

不致有所觸犯云爾 洋參五錢 白朮二錢 當歸二錢 黃柏四錢 黃連四錢 炙草三錢 陳皮五錢 天麻三錢 無頭柴

胡三錢 木香五錢 升麻三錢 黃耆三錢 沈香五錢 附子七錢 用水浸

右藥共為細末加鴉片灰七錢入石臼杵春如泥麪糊為丸如桐子大秤準分兩若干如有引一分計

算吞丸內有烟灰一釐二毫為度若有引一錢則吞丸有烟灰一分二釐為度必以飯前吞下否則不驗
初吞一二日或加吞少許今微有醉意則便不思吸矣吞定三五日後每日按減一粒加入補正丸二粒
挨次減却純服補正丸旬日半月烟引淨盡腸胃為清虛之府矣補正丸方開後洋參五錢白木三錢黃耆
三錢炙草三錢柴胡半錢升麻三錢黃連四錢黃柏四錢當歸三錢沉香二錢煨天麻一錢右藥共為細末麩和為丸桐子
大附忌酸丸加減法 夢遺者加龍骨牡蠣粉 紅白痢者加黃芩諸痛者加重木香再加延胡索 咳
嗽者加紫苑欵冬花枇杷葉去毛 欬嗽甚者加杏仁阿膠 熱痰者加川貝母栝蒌殼 寒痰者加半夏南
星 下焦火旺陽舉而壯者加重黃柏知母 目眩者加丹皮白菊花 小便短者加豬苓澤瀉 水瀉
者加茯苓車前子 氣短促而腎不納者加破故紙蛤蚧尾 以上所加藥品並為丸或煎湯作引送下
亦可 忌酸丸方如身體弱者可去洋參換沙參並去炙耆以防黨參代之亦可無頭暈者不必用天麻
身壯引輕者只用忌酸丸不須補正丸按日挨次減却亦可

戒鴉片烟方 此方不拘年分之長久火引之已成如能照法戒定並無難過毛病由來秘而不傳茲因
廣南洋行醉飲鬼子謀得此方試驗屢效 沈香八分肉桂錢川貝母錢洋參錢炮薑五白豆冠錢木香八
陳皮錢礞石錢建蓮六分丁香六分半夏錢粟殼錢川烏六分如另加珍珠犀黃各五分其效更速 右方共為
細末加用鴉片烟二錢燉化和藥末為丸如太乾不能成丸再加飯湯少許須用硃砂為衣分丸四百粒
如一分引者每日飯前兩丸重引遞加引止藥即止服完後尚不能止須用第二料藥料同惟烟灰只可
加用一錢五分候引全退始止倘願再服此方不必加只用原方藥料為丸每日服之更為妥便倘尚
有些微烟引未能淨盡脫除須用第三料然烟灰只可加用五分矣第世人好此者興致正濃雖見此方
未必肯立志戒定此方雖妙仍屬無益烟之誤事害人不可勝言水窮山盡病入膏肓始知此方之可

寶豈不遲哉

又方二 西黨復錢全櫻子四錢 鷺粟殼一錢 黃耆二錢 懷牛膝三錢 當歸三錢 廣木香五錢 杜仲三錢 橘紅八分 茯苓二錢 續斷二錢 升麻五錢 茯神三錢 加紅棗五錢 蓮心二粒 引頭劑加烟灰五錢 二劑加灰四錢 三劑加灰三錢 四劑加灰二錢

分五劑加灰分 每日早起空心煎服次煎晚間服

丁香二錢 檀香二錢 枯礬二錢 伏鹽五錢 白芷二錢 蒼朮二錢 草烏二錢 白豆蔻一錢 槐實五錢 橘紅二錢 杜仲二錢 半夏二錢 古月一錢

長治案古知即胡椒問廣人知 白朮三錢 五味二錢 川烏錢 共為細末每藥一兩對鴉片灰四分將米湯化開然後將藥末

冲下煉為丸如黄豆大味砂為衣每一分引服二粒或五日或二十日減一粒亦可此方斷引最靈

新得戒烟良方此方自上海傳來試之屢驗故附錄

生甘草一觔 赤砂糖一觔 川貝母去心研細末四錢 鴉片烟灰四錢 引輕者三錢 重者四五錢 右四味以清水十餘碗入銅鍋

瓦罐煎一二時至極濃為度約四杯 將渣滌出取汁置瓷器內擱靜室內無人行處每朝以開水溫燉服一

酒杯晚間臨卧時再溫服一杯藥盡不能斷引仍照方煎服無有不效者

卷中所錄諸方以鵲丹為第一次則新得良方藥僅四味亦甚簡易餘方並存以備採用

道光甲辰重九訪 鴻舫何兄於葑門彭氏寓齋談次出其 先尊公書田先生所輯救迷良方喜得

未曾有爰假歸錄副方論言言金玉真大醫王芝黃昏湯也惜溺此者食而甘之何小浮山人潘曾沂識

壹矢一丹 金櫻子一丹 紫菜一丹 萊菔子一丹 此一丹 芥子一丹 法一丹 羊一丹 交一丹

陸壽砂一丹 廣陳皮一丹 倭芙蓉一丹 陳酒一丹 此一丹 芥子一丹 法一丹 羊一丹 交一丹

渣和入陸氏內再煮一沸置瓶中小令慢氣于二碗未末之先此一杯吃去

杯和入淡白酒一杯久吃久加愈加愈快久之乃為快酒亦藥性全在二碗

武進莊一夔在田氏著

治慢驚風心得神方

慢驚之症緣小兒吐瀉得之為最多或久瘧久痢或痘後疹後或因風寒飲食積滯過用攻伐腸脾或秉賦本虛或誤服涼藥或因急驚而用藥攻降太甚或失於調理皆可致此症也其症神昏氣喘或大熱不退眼翻驚搐或乍寒乍熱或三陽晦暗或面色淡白青黃或大小便清白或口唇雖開裂出血而口中氣冷或瀉痢冷汗或完穀不化或四肢冰冷並至腹中氣响喉內痰鳴角弓反張目光昏暗此虛症也亦危症也俗名謂之天吊風虛風慢脾風皆此症也若再用寒涼再行消導或用胆星抱龍以除痰或用天麻全蝎以驅風或用知柏苓連以清火或用巴豆大黃以去積殺人如反掌實可畏也若治風而風無可治治驚而驚亦無可治此實因脾胃虛寒孤陽外越元氣無根陰寒至極風之所由動也治宜先用辛熱再加溫補益補土即所以敵木治木即所以治標凡小兒一經吐瀉多作即是最危之症若其屢作不止無論痘後疹後病後不拘何因皆當急用參朮以救胃氣薑桂枸熟等藥以救腎氣不惟傷食當急救之即傷寒傷暑亦當急救之蓋其先雖有寒暑實邪一經吐瀉業已全除脾胃空虛倉廩空乏若不急救恐虛痰上湧命在頃刻矣庸醫不明皆誤指為熱為食投以清火去積涼血立時告變為之奈何與其失之寒涼斷難生活不若試之溫補猶可救療此語發明吐瀉驚風之理最為明透後之君子願無忽諸今將慢驚辨症臚列於後

一慢驚吐瀉脾胃虛寒也

一慢驚身冷陽氣抑遏不出也 服涼藥之後往往至此

一慢驚鼻風煽動真陰失守虛火鑠肺也

一慢驚面色青黃及白氣血兩虛也

一慢驚口鼻中氣冷中寒也

一慢驚大小便青白腎與大腸全無火也

一慢驚昏睡露睛神氣不足也

一慢驚手足抽掣血不行於四肢也

一慢驚角弓反張血虛筋急也

一慢驚乍熱乍寒陰血虛少陰陽錯亂也

一慢驚汗出如洗陽虛而表不固也

一慢驚手足痠痰血不足以養筋也

一慢驚顛門下陷虛至極也

一慢驚身雖發熱口唇焦裂出血却不喜飲冷茶水進以寒涼愈增危驚以及所吐之乳所瀉之物皆不甚消化脾胃無火可知唇之焦黑乃真陰之不足也明矣

大凡因熱不退及吐瀉而成者總屬陰虛陽虛越必成慢驚並非感冒風寒發熱可比故不宜發散治宜培元救本加薑桂以引火歸源必先用辛熱沖開寒痰再進溫補方為得法

經驗二方列後

逐寒蕩驚湯 此方藥性溫煖治小兒氣體本虛或久病不愈或痘後疹後或誤服涼藥泄瀉嘔吐轉為慢驚清熱散風愈治愈危速宜服此能開寒痰寬胸腸止嘔吐蕩驚邪所謂回元氣於無有之鄉一

凡例

一此編專以溫補見長凡小兒既成慢驚必於後開條目內有數處相合者即放心照方服藥勿謂此書與古方清熱散風之藥不同仍泥用古方以自誤也

一此編凡鹿茸人參等貴重難覓之藥悉不開入恐窮鄉僻壤及無力之家不能搆覓雖有對症良方亦束手無策也

一此編內之藥隨處皆有無論貧賤富貴皆力所易為但必須另包過戩如法泡製方可取效

一近代所買之抱龍牛黃等丸皆清熱化痰之藥急驚最為對症若慢驚之甚者下喉即死

一急驚與慢驚全屬相反急驚之症小兒氣體壯實前數日發燒今日鼻中氣熱大便結小便臊忍而驚風大作喉中多有熱痰用抱龍牛黃丸下咽即醒再用清熱消導之藥一劑而安本欲附方於此恐治慢驚者用治急驚之方則為害非小是以姑述其由而方不叙入慢驚總是病後氣血不足虛極生風非脾腎雙補薑桂同進如何能愈

一薑桂附子乃編內藥方中之用神減去則無效肉桂好者難得薄桂潯桂但有油者皆可用之所以本草備要云肉桂有油者俱佳無所分別也

一慢驚之輕者理中地黃湯內多用薑桂亦可治愈若虛寒至極者非用附子不可但附子性熱人多畏之本草附子下亦註明治慢驚字樣可見溫補二字委係治慢驚秘訣無所疑也

一此編新立二方以治慢驚明言慢驚屬虛寒溫補即所以治慢驚急驚屬實熱清熱即所以治急驚二症有寒熱之殊用藥有雲泥之異古人每以一方治二症未究其致病之根源深不可信也

一近代醫家皆云慢驚一症先須驅風化痰鎮驚往往用金銀器物煮水仍煎發散消導之藥病輕者容或愈之原非其藥之功效病重者愈治愈危未聞治愈一人良可嘆也

一海內醫書未可枚舉諸君子雖各執一見議論紛紜然失之於此者仍得之於彼惟慢驚一症自古及今相承錯謬殊堪扼腕是以此編需辨慢驚一症與各書不同即次試驗有效深信不疑也

一此編乃獨得之奇實發古人不傳之秘凡小兒久病不愈諸病之後均能轉為慢驚真得之最易而醫之最難世之人但知清熱散風不知溫補氣血間有一二高明者見及慢驚是虛寒症欲開溫補藥方又因不合古書恐招訛謗是以慢驚竟為幼科第一險危之症此編業於姑蘇中州安徽直隸等處付梓矣倘 仁人君子念及小兒患此症者待命殷殷翻刻廣傳已屬善舉若鄉試小試年龍門貢院前分送尤覺易以普遍

一凡為善濟人及有一切陰隲者子孫當得福報若將此書翻刻廣傳使天下後世活人無窮又似非尋常陰隲可比其翻刻為善之子孫更不知當何如昌盛或亦陰功之一助為善君子未知以為善否

二劑後嘔吐漸止即其驗也認明但係虛寒即宜服之不必疑畏也

胡椒一錢炮薑一錢肉桂一錢丁香一錢

右四味以灶心土三兩煮水澄極清煎藥大半茶杯頻灌之接服方後定獲奇效

加味理中地黃湯 此方助氣補血却病回陽端治小兒精神已虧氣血大壞形狀狼狽瘦弱至極皆可

挽回之如法濃煎頻與服參天救本之功有難以盡述者

熟地五錢當歸二錢炙肉一錢枸杞二錢白朮三錢炮薑一錢黨參二錢炙甘一錢棗仁二錢肉桂一錢

故紙二錢炙芪二錢

加生薑三錢紅棗三錢核桃肉二錢為引仍用灶心土二兩煮水煎藥取濃汁一茶杯另加附子五錢煎水攪入諒兒

大小分數次灌之如咳嗽不止者加着殼錢金櫻子錢如大熱不退加白芍錢泄瀉不止者加丁香五分

只服一劑即去附子只用丁香檉隔二三日只用附子二三分蓋因附子大熱中病即宜去之也如用

附子太多則小便閉塞不出如不用附子則沉寒臟腑固結不開如不用丁香則泄瀉不止若小兒虛

寒至極者附子不妨用至一二錢此所謂神而明之存乎其人用者審之此方乃救陰固本之要藥治

小兒慢驚稱為神劑若小兒吐瀉不至已甚者或微見驚搐胃中尚可受藥喫乳便利者並不必服逐

寒蕩驚湯只服此方一劑而風定神清矣如小兒尚未成驚不過昏睡發熱或時熱時止或日間安靜

夜間發熱以及午後發熱等症總屬陰虛均宜服之若新病壯實之小兒眼紅口渴者乃實火之症方

可暫行清解但係實火必大便閉結氣壯聲洪且喜多飲冷茶水若吐瀉交作則非實火可知矣此方

補造化陰陽所不足實回生起死有神功倘太虛之後服一劑無效必須大劑多服為妙

治驗

一北平黃孝廉女甫過感病久不愈余視之瘦弱已極熱仍不退傾之羣醫畢集俱商用山查神麴荆芥防風等味皆消導藥也余竊謂不然因憶內經有云實者瀉之虛者補之此女瘦弱已極實實症乎然衆論譁然未可與辨越三日余又往視黃曰我女昨大瀉下黃沫且用弓反張不知其故余曰此涼藥毒也黃曰然前山查等藥不效復加黃連二分遂劇通前醫在側甚慚強余立方余詳之歸次日黃以衆方請正余閱之乃五苓散仍加消導解散之味彼時本欲另立一方又恐醫家撓阻黃亦未必深信因就原方加註剖明某藥可用某藥難投總本張景岳直救真陰之說黃亦心折因謂醫曰我女病久必虛滋陰為上乃加大熟地二錢連進二劑其熱陡退病亦漸愈緣前此尅削太甚復元較遲

一鄰友方元興有子歲餘常見其持單買藥詢之方曰兒病已久更數醫矣今又延某醫包治此其爲單也逾數日泣謂余曰某師悔曰子不生矣君具有術乎細叩其故方曰我子體熱已久近日氣弱神昏腹中膨脹吐瀉發喘兩目上視命在須臾邀余往視見其子顛門已陷面色青黃取向日醫方閱之悉是去積發散涼血之藥與症相反余曰得之矣用理中地黃湯去附子澤瀉加枸杞故紙一劑而安又十餘劑而真體復元矣

一余胞姓乳名文豹素欠壯實週歲疹後發熱兼旬不退咳嗽時以手捫口喉痛可知後數日晝夜昏睡不醒因延本地時醫投以清熱解表涼藥一劑而熱立止逾時體冷徹骨熱復大作再投前劑則無效矣又延他醫投以苓連石斛等藥非惟熱不能解且面色青黃二陽黑暗大喘大瀉愈增危篤醫亦束手余查痘疹諸書皆云疹係熱症宜用寒涼其說亦與症不符姑用救陰固本平補之藥一劑灌之悉皆吐出余母顧兒謂余曰腹中作响風已動矣喉如雞聲痰已塞矣且喫乳即吐頭搖睛泛氣促神昏兩目無光面無人色敗症現矣急請前醫皆裹足不至遍查各書俱載疹後發熱不退而頭搖睛泛吐

瀉神昏乃慢脾風不治之症然亦不忍坐視不救細思喉中作响必係寒痰蓋緣真陽外越寒生於中如係實火則前此岑連之藥何致反劇外雖極熱內實真寒非用大辛大熱之品不能沖開寒痰故前諸藥皆吐而不受因取附子薑桂煎湯飲灌余母曰此兇現在發熱且唇已開裂出血何可再用附子余思內經云假者反之此症非平熱之品終不能引火歸源以消寒滯也雖去附子仍改用胡椒一錢肉桂一錢炮薑四片似覺平淡以期老母不疑煎湯灌下痰聲立止又取伏龍肝沖水灌之吐亦漸止少頃兇忽眼痛呵欠咳嗽時即不以手捫口又頃連溺小便稠濁紫黑疹後邪毒即次盡下似有起色因用附子理中湯合六味地黃湯去澤瀉丹皮加故紙枸杞一劑而敗症全除惟大熱未退乃於前湯內復加棗仁五味芍斂陰之藥一劑而安此正內經所云治風先治血及甘溫退大熱之義也其後細審此症咳嗽痰痛心火燥肺金也嘔吐泄瀉脾腎虛寒也用胡椒薑桂所以開湧痰之寒痰也用灶土者補土所以敵木也木平則風息土旺則金生金既得生火不能尅則向者尅肺之邪火仍返而歸心心為君主之官邪不能犯心與小腸相表裏故疹毒傳入膀胱下溺為紫黑色也余弟云此兇疹後發熱誤服涼藥命幾不測得吾兄方藥真不啻起白骨而肉之實如再生爰更其名藥生將來即取字曰佩伯誌不忘也一知半解請政

高明聊記簡末以備方家採擇或者以活人之術不無小補云爾

續附醫案四則

一余胞姪鈞守南陽時生一女偶爾傷食中州醫者必以九製大黃丸推蕩之每月一二次屢經尅伐至二歲此女脾胃大傷瘦弱至極陰虛夜熱昏睡露睛忽成慢驚庸醫尚不知其為不足症乃以五苓散加黃連四分下咽即結胸不語次日斃命申虛生寒再進黃連未有不斃者

一余姻親家人之子甫二歲其母已逝乳母哺之飲食不調髮黃氣短發熱腹脹虛弱之形已現奈醫者堅稱內熱進以寒涼吐瀉不止遂成慢驚有隣人授以福幼編一本其父與醫商醫曰小兒純陽之體何可用此熱藥乃向藥包中取出抱龍丸一粒研而灌之尚未灌完而已斃矣

一六安廣文程公之子九歲久病不愈泄瀉抽搐懨懨一息醫曰已成慢驚雖神醫至此亦難為力廣文呼號求救幾不欲生同學宋孝廉以余向贈之福幼編授程程閱而疑之宋曰此子已無生理舍此更無他術服此溫補之劑或可挽回倉猝間無肉桂遂以桂子四錢研碎入理中地黃湯內如法濃煎頻頻與服一劑驚止又三劑全愈乾隆壬子年余回六安宋孝廉親口言之也

一裕州刺史徐公獨子十歲氣體本虛病後大熱不退屢服涼藥泄瀉嘔吐角弓反張諸症作矣羣醫畢至仍係清熱解表病勢更加萬無生理少府史某者詣署求見司閭者本官有少爺染患慢驚命懸旦夕不暇會晤史曰我之來因慢驚非公事也即延之入徐曰小兒慢驚壞症醫技已窮君能救之乎史袖出福幼編曰此前莊本府之胞叔所著端治慢驚但其方與古書不同應否與服堂翁其自主之徐曰著書人斷無孟浪之理即遵照編內之方不減分毫用逐寒蕩驚湯一劑喉關寒痰已開接服理中地黃湯四劑驚止熱退全愈余胞弟一鵬在南陽已知大畧彼史尉至湖北親口言之更詳自丁酉至今二十餘年此編愈人甚多聊記數條以備酌用闕者益可堅信無致貽悞也

保嬰簡要三法

一兒初生三朝用生雞蛋清一二个冬天畧溫熱搯擦背脊自上而下以四十九擦為度自有黑毛現出任其自退則胎火盡洩可免諸患此法從三朝起十八朝內均可行之

一兒臍帶退下用清水將帶漂淨以潔白瓦上炙灰不用木均可涼透後用生甘草三四分濃煎一小杯將

帶灰和入再加飛淨硃砂二分攪和與兒飲之則胎中穢污均從大便出可以稀豆矣此法須在十八朝內為妙

如退帶在十八朝以外即於此日內如法製飲亦效

一兒初生至十餘歲每月朔望用雞蛋清蔥姜梔飛麩等搗和小餅乘熱貼兒兩足心將布扎好以一日夜為度逐月切勿間斷可免外感及痰疾

右三方均從古法摘出簡易已極效驗不虛

跋

予於醫理未之學也雖然亦曾經驗之矣經驗不一端如眼科不宜用涼藥白菊元參川蓮決明等味皆傷目之具也痘症不宜過用下藥石膏大黃生地牛黃等味少則解毒疎花多則真元耗洩難望圓漿收功也之二者世君子悉心體察猶能知之惟小兒慢驚一症古無良方治之者率用治急驚之法不知症分急慢則症之虛實宜辨也火之真假宜審也一則熱急而生一則體弱病久而轉其致病之由宜明也知斯數者則治法用涼用熱用散用補固不待再計決矣予初生一女二子悉患此症少不知慎聽庸醫重用錮陰沍寒之藥如羚羊角陳膽星牛黃丸癩蟬胆以及殭蠶全蝎蟬蛻全銀器鈎藤鈎之類大劑重投有一劑而畢事者有數劑而告終者予方以命運自安不違責也歲丙寅司鐸漢皋於同人案頭得莊在田先生福幼編恍如大夢初覺始知前之奉為良醫者皆屠伯也追悔莫及不禁欷歔泣下嗣聞小兒有患慢驚者悉心從惠屢試屢效家中疾作尤信心奉行不聽盲師嚶語姪女玉姑孫兒桂官童養媳周姑皆因病後誤服涼藥致成慢症當眾醫束手合家痛心之際急用前方轉危為安今姪女不日于歸桂孫將次受書周姑年已及笄其明效大驗固不分男女不分大小皆可救拯也其間藥味加減劑數多寡編內一一注明審擇而用之是在細心臨症者予回頭得岸誓願普度眾生爰捐薄俸梓而行之以為世間小兒苦海寶筏云

再外治之法用白絲毛烏骨雄雞以尾竅向小兒肚臍無風遠去有風則自然緊貼毛簷足掙全力吸取風毒毒盡始散予每與前方相輔並用內外交治神效無比惟驗後須用真麻油灌雞解毒且可留作後用人物兼全亦仁人君子之心耳附書於後以俟採擇

道光甲申孟冬上浣江夏明達康伯甫拜跋於粵東增城署齋